



類苑叢寶

1493
22-20

卷二十三



門 1493
號 1493
卷 22-20

類苑彙覽卷之四十一

鳥獸門

樂府書齋

鳥

爾雅二足而羽謂之禽生哺數生喙雖 又曰元鳥龍其

根喙 書曰仲春鳥獸華尾仲夏鳥獸希革仲秋鳥獸毛

毳仲冬鳥獸氄毛

禮記凡生天地之間者莫不知愛其

類今是大鳥獸則失喪其羣也越月踰時焉過其故鄉回翔焉

鳴踰焉踰焉而踰焉然後乃能去之小者至於鷦鷯猶有喙

噍之頃焉 論語鳥之將死其鳴也哀 又曰鳥獸不可與同

群 莊子曰弓弩畢弋機變之智多則鳥亂於上也 孫卿子

曰鳥窮則啄獸窮則攫人窮則詐 史記秦仲知百鳥之音與

之語皆應焉 淮南子羽嘉生飛龍飛龍生鳳凰鳳凰生鸞鳥
鸞鳥生鸞鳥凡羽者生於庶鳥 白虎通鳥所以飛何鳥者陽
也飄輕所飛也禽者何鳥獸之摠名明為人所食則也 武帝
問方朔何知鳥之雌雄對曰雄左翼加右聲高雌右翼加左聲
小一云燒毛納水中沉者雄浮者雌 禽經一鳥曰佳二鳥曰
雉三鳥曰朋四鳥曰乘五鳥曰雇六鳥曰鷓七鳥曰鴝八鳥曰
鸞九鳥曰鳩十鳥曰鷓 陸鳥曰棲水鳥曰宿獨鳥曰止菜鳥
曰集水鳥晚於林棲故曰宿也 鷓以怨望鷓以貪頑鷓以嘆
睨鷓以怒頤雀以猜矚燕以狂眈視也鷓以喜嘖鳥以悲啼鷓
以飢鳴鷓以潔唳鷓以凶叫鳩以愁嘖鳴也 鳥鳴啞啞為鳴

啞啞鳳鳴啞啞凰鳴啞啞雉鳴啞啞鷓鳴啞啞鷓鳴啞啞鷓鳴
啞啞鳴啞啞鳴啞啞鳴啞啞鳴啞啞鳴 冠鳥性勇帶鳥性仁纓
鳥性樂注冠鳥若鷹是也帶鳥若練鵲是也纓鳥若綬鳥是也
脚短者多伏長脚者多立脚近翠者能步脚近臆者能蹶多伏
鳴鵲之類是也多立鵲鵲之類是也 陸生之鳥味多兌而善
啄水生之鳥味多區而善啞善啞亦鳴鵲之類善啄亦鵲鵲之
類是也 霜侍強枝鳥以武生者以雪封枯原鳥以文死者多
山禽之味多短水禽之味多長山禽之尾多脩水禽之尾多
促林鳥以朝嘲水鳥以夜啞 鵲以聲交而孕鵲以音感而孕
白鵲相眈而孕鳥以傳涎而孕並同 埤雅凡鳥左顧則怒作右

眇則喜生飛而起則仰左翼飛而下則仰右翼故今鷩鳥下擊
皆先側左翅也 鳥有四種祥好而形醜拘翅羅鳥是也形好
而祥醜鷩鳥是也祥形俱醜土象是也祥形俱好孔雀是也
舊說鳥雀尾上有肉高有穴者名脂餅鳥雀每引嘴取脂以塗
翅毛則悅澤雨露不能腐 張子曰凡禽竝棲一正一倒或其
左翼以相依于內舒其右翼以防患于外

鳳

說文鳳神鳥也 瑞應圖鳳凰者仁鳥也惟曰鳳雌曰凰
王者不割胎剖卵則至 山海經丹穴之山有鳥狀如鶴

五色而文名曰鳳首文曰德翼文曰順背文曰義膺文曰仁腹
文曰信是鳥自歌自舞見則天下安寧 尚書中候堯即政七

十載鳳凰止庭巢阿閣謹樹 春秋感精符王者上感皇天則

鸞鳳至

樂叶圖五音克諧各得其倫則鳳凰至冠類鷄頭燕

喙蛇頸龍形麟翼魚尾五采不咏生蟲 援神契曰德至鳥獸

鳳凰翔

大戴禮羽蟲三百六十而鳳凰為之長 淮南子昔

者二皇

鳳至於庭三代鳳至於門周室鳳至於澤德彌鹿所

至彌遠德彌精所至彌近 抱朴子夫麟鳳以形狀為別聖人

以心神為異古者太平之世鳳凰常居其國而生乳至夏后始

食卵而鳳去之此則鳳有種矣 孫卿子曰古之王者其政好

生惡殺鳳在列樹 孔演圖曰鳳火精也毛詩疏鳳非梧桐不

棲非竹實不食非醴泉不飲 鳳有六像九苞六像者一曰頭

像天二曰目像日三曰背像月四曰翼像風五曰足像地六曰
尾像綽九苞者一曰口包命二曰心合度三曰耳聽達四曰舌
詘伸五曰彩色光六曰冠矩州七曰距銳鈎八曰音激揚九曰
腹文戶行鳴曰故嬉止鳴曰提扶夜鳴曰善哉晨鳴曰賀世飛
鳴曰即都 天老曰鳳像麟前鹿後蛇頸而魚尾龍文龜背燕
頷鷄喙五色備舉出東方君子之國翱翔四國之外過崑崙飲
砥柱濯羽弱水暮宿丹宮 說文五方神鳥東方曰發明南方
曰焦明西方曰鵠鵠北方曰幽昌中央曰鳳凰樂叶青鳳謂之
鵠赤鳳謂之鶉黃鳳謂之鸞白鳳謂之鶻紫鳳謂之鶻鷓凡五
方之鳥皆似鳳而非也東方發明全身青西方鵠鵠全身白南

方焦明全身赤北方幽昌亦曰退居全身黑中央鳥名玉雀亦
曰鳳凰全身黃 孟戲人首鳥身其先為虞氏馴百禽夏后之
末民始食卵孟戲去之鳳凰隨焉止於丹山鳳凰食竹實孟戲
食木實括地 成王時桀塗國獻鳳雛育於靈禽苑
及封泰山禪社首之後文彩炳耀飛走之類不復喧鳴至成王
崩冲飛而去漢時鳳集 昭帝元始中鳳凰集東海遣使祠其
處 宣帝並河東之明年春鳳凰集投羽於所集處得玉寶乃
下詔赦天下 鳳凰集上林乃立鳳凰殿以蒼嘉瑞 本始元
年鳳凰集膠東十四年鳳凰集北海地節二年鳳集魯群鳥從
之 神雀四年鳳凰十一集杜陵 鳳集長樂宮東園樹上飛

下至地文章五色吏民並觀之 東觀漢記光武生於濟陽先是鳳凰集濟陽故宮皆盡日鳳凰聖瑞始於此 建武十七年鳳凰出高八尺九寸毛羽五采集潁川羣鳥從之蓋地數頃留十七日乃去 甘露三年鳳凰集新蔡群鳥四面行列皆向鳳凰立以萬數 章帝時鳳凰百三十九見 安帝延光三年鳳凰集于南臺承霍穉舍樹上賜帛各有差 黃霸為潁川太守仁化大行鳳集境內 **九子鳳** 晉穆帝時鳳凰將九子見鄖鄉之豐城衆鳥隨從 **鳳凰臺** 宋元嘉中大鳥二集秣陵民王覲園中李窠上狀如孔雀頭足小高毛羽鮮明文采五色音聲諧和衆鳥如山鷄者隨之彭城王義康以聞改鳥所集永昌里謂

之鳳凰里起臺于山曰鳳凰臺 孝武帝孝建元年鳳凰見丹徒雙鶻為引衆鳥陪從 唐志苑丘縣鳳凰集衆鳥數萬前後翊從行列齊整色別為群後三日改元儀鳳冠如金杯 宋景德元年白州有三鳳自南入城衆禽周繞至萬歲寺前樓高木上身如龍長九尺高五尺其文五色冠如金杯 **鳳集得劍** 磁州武安縣有鳳從東南來衆鳥圍之次者在內小者在外以萬計村民懼驅牛數十頭繫柝以從欲逐去之有鷲鳥振翼逆擊牛皆死鳳高丈餘九子差小翼其旁鳳為日所照則有二大鳥更迭盤旋庇蔭之日入乃下凡三日乃從西北摩空而去村民掘臺下三尺許得金劍不可取折其半燬之化為金蟬飛去

癸辛雜志鳳居山

開元中有鳳逐二龍至此龍墮地化清泉二道

鳳憤而死山之僧以石函殮其骨於山巔壘磚為塔因以名山

一名龍骨在華陰鄉民因築城盡取塔磚石函始露塔函鳳脛

骨長二尺圍可六寸股長一尺五寸圍如脛骨其潔如玉語云

鳳喜食龍腦故龍畏之文海鳳頭枕南唐徐知諤知潤州好

奇寶有蜀估持鳳首至狀如椎雞廣五寸冠上正平可用為枕

朱冠金喙文彩煥爛如生人咸異之鳳凰盃南恩州北甘山

壁立千仞有瀑水飛下掾杭不能至鳳凰巢其上飲呼為鳳凰

山所食亦蟲魚遇大風雨或飄隨其雛小者猶如鶴而足差短

南人截取其嘴謂之鳳凰盃南雅連金泥卜州記鳳麟洲在

西海之中四面有弱水統之鴻毛不可越也其上多鳳麟數萬

各為群上仙之家以鳳喙麟角合煎作膠名為集弦膠文名連

金泥能屬連刀劍弓弩弦鳳凰集東莞劉穆之道民素

居京口晉隆安中鳳凰集其庭相人韋叡謂之曰子必協贊大

獸金鳳入河洛陽記鳳陽門五層樓去地三十丈安金鳳凰

二頭虎將表一頭飛入漳河今日清明見於水中金鳳車宣

帝以皂蓋車一乘賜霍光至夜車轆上鳳凰輶亡去至曉乃還

後南郡黃君仲北山羅高得鳳凰入手即化成紫金毛羽冠翅

宛然具足守車人列上云車轆上鳳凰今則不廷恐為人所得

先甚異之具以列上後數日君仲詣國上鳳凰子云北山羅高

所得帝聞而疑之置承露盤上俄而飛去帝使尋之直入光家
止車轡上乃知信然帝取其車安遊行以葉御之至帝崩鳳凰
飛去莫知所在

翡翠

理雅雄赤曰翡翠青曰翠一名魚虎一名魚師 或云
翡翠二鳥名翠形小食魚翡翠大如鳩林栖不食魚 有

雅翠鵠也

山海經孟山多白翡翠

異物志翠鳥先高作巢

及生子愛之恐墮稍下作巢于生毛羽復益愛之又更下巢也

鵠如紺燕風則帝商羊一足雨則舞 鵠水鳥天行雨則鳴

故逸周書曰知天文者冠鵠冠禮圖謂述衣冠述鵠之別名也

鸞

說文鸞神靈之精也赤色五采鷄形鳴中五音 禽經

鸞瑞鳥一曰鷄趣者翼赤曰丹鳳青曰羽翔白曰化翼

玄曰陰者黃曰土符 鸞者鳳鳥之亞始生類鳳久則五彩變

易故字從變省禮斗儀曰天下太平安寧刻見其音如鈴鸞鸞

然也周之文物大備法車之上綴以大鈴如鸞之聲也後改為

鑾 西山經女狀之山有鳥焉其狀如翟而五彩文名曰鸞鳥

見則天下安寧 援神契德至鳥獸則鸞鳥舞 孔演圖天子

官守以賢舉則鸞在野 詩含神霧德化充塞照潤八冥則鸞

臻也 尚書中侯周公歸政於成王太平制禮鸞鳥見 柁朴

子鸞鳥似鳳而白纓聞樂則蹈節而舞 山海經軒轅之國清

沃之野鸞鳥自歌又曰廣都之野鸞鳥歌 埤雅乾臯斷舌則
坐歌孔雀拍尾則立舞人勝之也鸞入夜而歌鳳入朝而舞天
勝之也 禽經鳳者鸞舉百羽從之鳳靡鸞叱百鳥瘞之 通
典軒渠國多九色鳥青口綠頸紫翼紅膺紺頂丹足碧身細背
玄尾亦名九尾鳥亦名錦鳳其青多紅少謂之繡鸞常從弱水
西來或云是西王母之禽

鸞集學宮

王阜為重泉令鸞鳥集止學宮阜使掾沙壘為張

雅樂擊磬鳥舉足垂翼應聲而舞止縣庭留十餘日乃去 **樓槐**
卒繕字公文治春秋識緯隱居華陰光武徵不至有大鳥高五
尺鷄頭鸞領蛇頸魚尾五色備舉而多青棲繕槐樹旬時不去

詔問百僚咸以為鳳太史令蔡衡對曰凡象鳳者有五多赤色
者鳳多青色者鸞黃色者鷦鷯多紫色者鸞多白色者鷦鷯
此鳥多青乃鸞非鳳也上善其言 **鸞** 劉賓客三得一鸞
欲其鳴不可致乃飾以金焚饗以珍羞對之愈歲三年不鳴其
夫人曰嘗聞鳥見其類而後鳴何不懸鏡以映之王從其言鸞
覩形悲鳴哀響冲霄一奮而絕 **紅鳥** 梁武帝捨身重雲殿時
海中浮鵠山去餘姚岸可千餘里上有女人年三百歲有女官
道士四五百人年並出百但在山學道遣使獻紅席帝方捨身
時其使適至云此草嘗有紅鳥居下故以為名觀其圖伏則鸞
鳥也 **儀鸞殿** 大業中有二孔雀自西苑飛集朝堂前校尉高

德孺十餘人見之羨以為鸞時孔雀已飛去無可得驗於是百官稱賀詔以德孺為朝散大夫餘人皆賜束帛仍于其地造儀鸞殿鸞插墳種後漢方儲幼喪父事母母終自負土成墳種

奇樹千株鸞鳥止其上

鶴者陽鳥也而遊於陰曰金氣依火精以自養行必依洲峙止不集林木蓋羽族之宗長仙人之麒麟也相鶴鶴愛

陰而惡陽鴈愛陽而惡陰鵠春秋說題辭曰鶴知夜半也夜半水佐感其生氣喜而鳴鶴所以壽者無死氣於中也莊子曰鶴脰雖長

斷之則悲 墨子曰禽子問曰多言有益乎對曰蝦蟇日夜鳴口乾而人不聽之鶴雖時夜而鳴天下振動多言何益乎內典

鶴影生今鶴雌雄相隨如道士步斗履其跡而孕 抱朴子英

律不羣而幽蕙之芳駭峻槩獨立而臯禽之響振 風土記鳴

鶴戒露此鳥性警至八月白露降流於草上滴滴有聲曰集高

鳴相警移徙所宿處慮有變害也 禽經注露禽鶴也露下則

鶴鳴也鶴之馴養於家庭者飲露則飛去 古今注千載則變

為蒼又千載則變黑所謂玄鶴也 爾雅異鵠即是鶴音之轉

後人以鵠名頗著謂鶴之外別有所謂鵠故埤雅既有鶴又有

鵠蓋古之言鵠不日浴而白白即鶴也鵠名啞啞啞啞鶴也漢

昭時黃鵠下建章宮太液池而歌則名黃鵠神異經鶴國有海

鵠其餘諸書文或為鶴或為鵠者甚多以此知鶴之外無別有

所謂鵠也 抱朴子千歲之鶴隨時而鳴能登於木色純白腦
盡成骨其未千歲者終不集于林也 養生要論龜鶴壽有千
百之數性壽之物也道家之言鶴曲頸而息龜潛匿而噎此其
所以為壽也服氣養性者法焉

獻鶴 史記齊王使淳于髡獻鶴於楚出邑門道飛其鶴徒揭
空籠見楚王曰齊王使臣來獻鶴過於水上出而飲之去我飛
亡吾欲刺腹絞頸而死恐人之議吾王以鳥獸之故令士自傷
殺也欲買而代之是不信而欺吾王也欲赴佗國痛吾兩主使
不通故來服過王曰善齊王有信士若此哉厚賜之
軒鶴 衛懿公好鶴鶴有乘軒者狄人伐衛將戰國人受甲者皆曰使

鶴鶴實有祿位余馬能戰 **鶴下建章** 昭帝始元元年春黃鵠

下建章宮上為歌曰黃鵠飛兮下建章羽肅肅兮行踰蹕金為
衣兮菊為裳嗟喋荷符出入薰篋自顧菲薄愧爾若祥 **鶴珠報**

息 搜神記噲參養母至孝曾有玄鶴為戒人所射窮而歸之
參收養治療瘡愈放之後鶴夜到門外參炳燭視之唯雄各至
嚙雙明珠報參焉 張禧字彥祥除效數令有鶴負矢集禧庭

禧以甘草湯洗之傳藥留養十餘日瘡愈飛去月餘嚙赤玉珠
二枚置禧庭 **遼東鶴** 遼東城門有華表柱忽有一白鶴來集
徘徊空中言曰有鳥有鳥丁令威去家千歲今來歸城郭如故
人民非何不學仙去空伴家鬘鬘遂上冲天 **蘇仙鶴** 蘇耽去

後忽有白鶴十數隻夜集郡東門樓上一隻口畫作書字言曰
城郭是人民非三百甲子當復歸咸謂是**鮑道林放鶴**世說

僧支道林好鶴時有遺雙鶴者翅長欲飛林乃鍛其翮鶴軒翥

不能復起乃舒翼反頭視之林曰既有凌霄之姿何肯為人耳

目翫乎養令翮成即放飛去**遠師射鶴**廬山遠法師未出家

善弩射嘗於鶴窟射得鶴雛後復伺鶴母見將射之鶴不動翔

觀之已死於窠中疑其愛子致死破視心腸皆寸絕法師於是

放弩發善薩心**鴛鴦**荀壞事母孝好屬文及道術潛栖却

粒嘗東遊憇江夏黃鶴樓上望西南有物飄然降自霄漢俄頃

已至乃駕鶴之賓也鶴止戶側仙者就席羽衣虹裳賓主歡對

已而辭去跨鶴騰空眇然烟滅**羊公鶴**羊枯鎮荊州江陵澤

中多有鶴常取之教舞以娛賓客有鶴善舞嘗向客稱之客詰

使驅來氈毼而不肯舞劉遵祖少為殷中軍所知稱之於庾

公庾公甚忻然便取為佐既見坐之獨榻上與語殊不稱庾失

望遂名之為羊公鶴**羊公鶴**宋元嘉初王仲德鎮彭城左右

出獵遇一鶴將二子悉禽之歸以獻王王使養其小者口為人

所裂遂不能飲食大者輒含粟哺之飲輒含水飲之先令其飽

未嘗忘也王甚愛之令精加養視大者羽翮先成每翥冲天小

者尚未能飛大者終不先出留飲飽之又於庭中騫躍教其飛

颺六十餘日小者能飛乃與俱去述異**雙鳥**陶侃丁母憂

在墓下忽有二客來吊不哭而退儀服鮮潔知非常人隨而看
之但見雙鶴飛而冲天孝感雙鶴梁書庾域母好鶴喚域在
位營求孜孜不怠一旦雙鶴來下論者以為孝感所致義鵠
謝昌寓為廣州參軍孝性甚至嘗養一鵠昌寓病二旬而鵠二
旬不食昌寓亡而鵠遂飛去南史白鵠煬帝時課州縣送
羽毛民未捕之網羅被水陸鳥程有樹高踰百尺上有鶴巢民
欲取之不可上乃伐其根鶴恐殺其子自拔鬣毛投于地時人
或稱以為瑞書山病鶴李衛公遊嵩山見鶴吟吟曰我鳥仙
為樵者傷脚得人血則愈李公解衣即刺血鶴曰世間人至少
公且未是乃令拔眼睫毛持往來都下但映眼照之即知矣李

公中路自視乃馬頭也至東洛所遇非少悉非全人皆犬羆驢
馬之類惟一老翁是人李公言病鶴之意老翁笑下驢宣臂刺
血李公得之以塗鶴即愈鶴謝曰公即為明時宰相後當上昇
相見非遙慎無懈惰李公謝鶴遂冲天而去青鵠唐玄宗
獵中一鶴帶箭西南而逝益州有青城山道士徐佐卿一日忽
不憚曰為飛矢所中尋已無恙然箭非人間所有吾留於壁後
生箭主至則付之及帝幸蜀偶至觀觀箭取而翫之乃御箭也
深異之佐卿乃中箭鶴獨足鶴漢武時有獻獨足鶴東方朔
曰此山海經所謂畢鸞也報客鶴林逋隱居孤山蓄兩鶴縱
之則飛入雲霄逋常泛小艇遊西湖寺有客至逋所居一童子

延客坐開籠縱鶴良久逋必掉小松歸 **放鶴亭** 徐州雲龍山

西麓有放鶴亭宋山人張天驥所築也山人有二鶴旦則望山

西而放暮則僚山東而歸因以為名 **青白鶴** 有沐溪野去青

田九里中有雙白鶴年年生子長大便去只恒餘父母一雙精

白可愛多云神仙所養 **白鶴洞** 崆峒山絕壁有石穴謂之白

鶴洞鶴頂如丹毛羽皆黑日照之金色燦然故其上有金衣亭

青鶴洞 朝鮮智異山中有青鶴洞其境虛曠四隅皆良田沃

壤青鶴栖息其中故以為名 **蘭巖雙鶴** 榮陽郡西有蘭岩山

常有雙鶴素羽皎然日夕偶形翔集傳云昔夫婦俱隱此山年

數百化成此鶴忽一旦一鶴為人所害其一鶴歲常哀鳴至今

響動岩 谷莫知年歲 神境 **卵生鶴** 彭淵材迂濶好怪嘗畜兩

鶴客至誇曰此仙禽也凡禽卵生此禽胎生語未卒因丁報曰

鶴夜生一卵淵材呵曰敢誇鶴耶未幾鶴展頸伏地復誕一卵

淵材嘆曰鶴亦敗道 **池州鳳凰山** 道士趙自然夢陰真

君與柏葉一枝九疊食之因不食神氣異常為詩曰嘗欲栖山

島閑眠玉洞寒丹歌時引舞來去跨雲鸞或問何名丹歌曰鶴

也 **鶴國** 神異經西海之外有鶴國男女皆長七寸為人自然

有禮好經論跪拜壽三百歲人行如飛日千里百物不敢犯之

惟畏海鷗過吞之亦壽三百歲人在鶴腹中不死而鶴一舉

千里 **八教鶴** 臨海郡有白鶴山古老相傳此山昔有晨飛鶴

入會稽雷門鼓中於是雷門鼓鳴洛陽聞之孫息時斫此鼓見
白鶴飛出翱翔入雲此後鼓無復遠聲表人鶴太和中慈恩寺
月夜有一美人從三四青衣造塔言笑借筆硯題詩云黃子陂
頭好月明忘却華亭造塔行烟杖山低翠黛橫折得荷花遠恨
生化為白鶴飛去便祥鶴唐韋嗣立宅後林麓遂有黃鶴
一雙每為其家候祥報吉有喜慶事必先期盤翔鶴誌
公與白鶴道人爭潛山各以物誌其處將至林麓忽聞空中飛
錫聲喬白鶴周王子喬好吹笙後乘白鶴謝時人去列仙

孔雀

元命苞火離為孔雀 酉陽孔雀因雷聲而孕
南越志孔雀不必匹合正以音影相接便孕 紀
聞羅州山中多孔雀羣遊有數十為偶雌者尾短無金翠雄者
生三年有小尾五年成大尾初春而生三四月後復周與羣
俱榮衰然有喜其尾而甚妬凡欲山棲必先擇有置尾之地然
後止焉南人生捕者候甚兩往擒之尾雷雨重不能高翔又至
愛其尾恐人所傷不復奮翔也雖馴養頗久見美婦人好衣裳
與童子絲服者必逐而啄之芳時媚景聞管絃笙歌必舒張翅
尾眇睐而舞若有意焉山谷夷民烹而食之味如鶉鮮百病人
食其肉後欲藥不能愈病其血與其首解大毒南人得其卵使

雞伏之即成其脚稍屈其鳴若曰都護士人取其尾者持刃於
叢蒼幽隱之處自蔽伺過急斷其尾若不即斷回首一顧金翠
無復光彩矣 鹽鐵論南越以孔雀珥門戶崑山之旁以玉璞
抵烏鵲今貴人之所賤珍人之所饒非所以厚中國也 晉世
祖時西域獻孔雀解人語彈指應聲起舞 貞元中新羅獻孔
雀解舞德宗召邊鷹于玄武門寫貌一正一背翠彩生動金鈿
遺妍若還清聲宛應繁節 龜茲國孔雀群飛山谷間人取養
而食之字乳如鷄鷲其王家恒千餘隻 交趾郡人多養孔雀
或遣人以充口腹或殺之以為脯腊人又養其雛為媒傍施網
罟捕野孔雀

夫子家禽

見幼悟附衣

檀道濟鎮海陽入朝與家分別

顧瞻城闕嗟歎涕零識者知道濟之不南旋也濟將發舟所養

孔雀來對其衣驅去復至如此數焉明年伏誅與蛇相偶 盧

肇往在南海見從事王軒有孔雀一日一奴告曰蛇盤孔雀且

盡死矣軒令救之其走卒笑而不救軒怒卒云蛇與孔雀偶耳

蛇聞翠尾作帚 孔雀毛着龍腦則相綴禁中以翠尾作帚每

幸諸閣擲龍腦以避穢過則以翠尾帚之皆聚無有遺者亦若

磁石引斜琥珀拾芥物類相感然也

鳴鴈

能來能往者朱鳥之謂與鴈一名朱鳥法言博物志
曰鳴鴈千歲者皆胎產 尸子曰虎豹未成文而有

食牛之氣鴻鵠之穀羽翼未全有四海之心賢者之生亦然
淮南子鴈從風而飛以愛氣力對蘆而馳以避矰繳 格物論
鴈陽鳥狀如鵝而小江淮洲渚之間動計千百大者居其中今
鴈奴園而警察 北方有白鴈似鴈而小秋深則來白鴈至則
霜降河北人謂之霜信 月令仲秋鴻鴈來賓 周書白露之
日鴻鴈來鴻鴈不來人背畔 埤雅鴈霜降南翔水泮北祖其
性惡熱故中國始寒而至 儀禮大夫執鴈取其候時而行也
白虎通贄用鴈者取其隨時南北不失其節也 古今注鴈自
河北渡江南瘦瘠能高飛不畏矰繳江南沃饒每至還河北體
肥不能高飛恐為人所獲嘗啣蘆長數寸以防矰繳焉

鴻鴈

桓公在位管仲隰明見立有間有二鴻飛而過之桓公

歎曰仲父今彼鴻有時而南有時而北四方無遠所欲至而至

焉惟有羽翼之故是能通其意於天下乎寡人之有仲父猶飛

鴻之有翼也管子 鴈賀 秦穆公得百里奚公孫枝歸取鴈以

賀曰君得社稷之臣實社稷之福公不辭再拜而受說苑 獵得

善言 見獵新序 虛發而下 更羸與魏王處京臺之下仰見

飛鴈虛發而下之魏王曰然則射可至此乎對曰其飛徐而鳴

悲飛徐者故瘡痛也鳴悲者失群也瘡未息而驚心未去也門

絃者音烈而高飛故瘡墮也楚策 不鳴見殺 莊子行於山中

見大木伐者不取也問其故曰無所可用莊子曰此木以不材

得終其天年舍於故人之家故人喜令豎子殺一鴈而烹之豎子曰其一能鳴其一不能鳴奚殺主人曰殺不能鳴者豈子問曰山中之木以不材得終其天年主人之鴈以材死先生將何處笑曰周將處材與不材之間

鴈山關

定州唐縣中有鴻山

關昔項羽于此關見群鴻乃誓衆曰我當南面必中其一乃引滿射之莫有中者乃折弓投地而去

朱鴈歌 武帝幸東海獲鴈作朱鴈之歌其辭曰赤鴈集六紛員殊翁雜五采文紛員多

也六數也翁鴈頸也員音云**太守食鴈** 度遼將軍皇甫規解

官歸安定鄉人有以貨買鴈門太守者亦去職還家刺謁見規

規卧不迎既入而問鄉前在郡食鴈羨乎

指鴈不度

晉郭瑀

燉煌人也張天錫使蓋公明徵之瑀指翔鴻以示之曰此鳥也安可籠哉遂深逃絕迹公明拘其門人瑀歎曰吾逃祿非避罪也豈得隱居行義害及門人乎乃出就徵

鴈臣

元魏時北夷酋長遣子八侍者常春去秋來避中國之熱時人謂之鴈臣

飛天首

張融門律云吾見道士與道人戰儒墨道人與道士

獄是非昔有鴻飛天首積遠難亮越人以為竟楚人以為乙人

自楚越鴻常一耳

齊顧

朱落鴈

朱漢賓少時善射嘗曰與

同輩出獵指一飛鴈隨矢而落其鏃中正其臆上貫一金錢有

篆文示其郡之頑儒皆無識者人甚異之由是人皆號之曰朱

落鴈

鴈丘

元裕之赴試并州道途捕鴈者獲一鴈殺之

矣其脫網者悲鳴不能去竟自投於地而死予目買得之焚之
汾水之上累石為誌號曰鴈丘與同行者楊正卿李仁卿俱為
賦摸魚兒詞拾曰鴈上虞縣有鴈為民田春拔野草根秋啄
除其穢是以縣官禁民不得妄害此鳥犯則有刑無赦白帖

鴈塞

荊州記鴈塞北接梁州汶陽郡其間東西嶺屬天無際

雲飛風翥望崖迴翼唯一處為下翔鴈遠塞矯翮裁度故名鴈
塞同於鴈門也 梁州記鴈塞山有大池鴈棲集此池 海內

經鴈門山鴈出其間在高柳北

石鴈

南康記平固縣有覆笥

山上有湖周迴數十里有石鴈浮在湖中每至秋天石鴈飛鳴
如候時也 **鴈書** 蘇武在匈奴漢使謂單于曰天子得鴈足書

單于大驚乃使武還 元郝經使宋賈似道乃拘留於真州十

六年經營畜鴈鴈見經鼓翼引吭似有所訴經感悟北向拜書
尺帛親係鴈足而縱之其詩曰霜落風高縱所如歸期回首是

春初上林天子援弓矢窮海孤臣有帛書次年春虞人獲鴈以
聞元遂使伯顏伐宋宋懼遣經還 **歲燭捕鴈** 南人俟天陰無

月時於瓦罐中藏燭屏氣潛行略舉燭便藏之鴈奴驚叫大者
亦驚頃之復定復前舉燭鴈奴又驚如是數次大者怒啄鴈奴
秉燭者徐逼之更舉燭則鴈奴俱啄不復動矣乃高舉其燭持
捧者齋入群中亂擊之所獲甚多

鵝

鵝一名舒鴈江東人謂之鳴尔雅廣志駕鴈野鵝也 古

今注鵝善鬪好咬蛇 禽獸決錄鵝性頑而傲

鴛鴦籠鵝

山陰道士管霄霞求王羲之鴛鴦道德經舉紅鵝一

雙相贈而去後鵝冲霄飛去

仙傳拾遺

一云山陰有道士好養鵝羲

之往觀焉意甚悅固求市之道士云為鴛鴦道德經當舉群相贈耳羲之欣然寫畢籠鵝而去求鵝久劉毅家酷貧嘗與士大

夫往東堂共射時庾悅為司徒長史厨饌甚盛不以及毅毅曰

身今未得子鵝豈能以殘炙見惠悅不答及毅貴奏解悅官深

相挫辱悅疽發背死

聽經鵝

慧遠在鄉養一鵝常隨遠聽經

及遠入京留在寺晝夜鳴噪不止僧徒送入京至淨影寺大門

放之自然知遠房便入每講經即入堂伏聽若遠說他事則鳴

翔而出如是六年忽哀叫庭宇不肯入堂二旬而遠卒

集鵝送

別

何遠為求康令人甚稀之太守王彬巡屬縣諸縣皆盛供

帳以待焉至永康遠獨設糗水而已彬去遠送之拜斗酒隻鵝

而別彬戲曰卿禮有過隆納將不為古人所笑乎

繫書鵝頰

庾信自建康遁歸江陵湘東王曰賜妾徐氏妾與任投私通接

欲求之無致言者信庭前有一蒼鵝乃繫書于鵝頰信視之乃

揆啓遂題紙尾曰畜生乞汝

不鵝

唐高祖義兵出河東

隋將堯君素城守時圍甚急君素乃為木鵝置表於頰具論事

勢浮之黃河下河陽守者得之達於東都越王侗見而嘆息

鵝

唐僖宗好鬪鵝數幸六王宅興慶池與諸三鬪鵝一鵝至

十萬錢金鵝

海昏侯沈戎卒葬於烏程之金鵝山上有金鵝

飛集三鳴而去其後沈氏通顯諺云金鵝鳴沈氏興後漢貞觀

二十年吐蕃遣其大臣祿東贊獻金鵝黃金鑄成高七尺中可

實酒三斛臨海郡東南有白石山高三百餘丈望之如雲山

上有湖古老相傳金鵝所集八桂所植下有溪谷金光煥然

晉義熙中羗主姚毗洛陽陰溥取碑得一雙雄鵝並金色交頸

長鳴聲聞于九臯明埋鵝試此吳志景帝有疾使巫視鬼

欲試之乃殺一鵝埋之于桑中乃使巫視之巫竟夕無所道帝

催問之急乃曰實不見有鬼但見一頭白鵝在墓上所以不即

白帝厚賜之並巫同鵝

許彥遇一書生云足痛求寄鵝籠中

許之與兩鵝並坐負之不覺重至一樹下乃去酉陽夜救鵝

桓玄與諸兄養鵝念其不如夜盡取殺之蒼白鵝晉書永嘉

中洛城東北角廣里中地陌有二鵝蒼者飛去白者不能飛問

之博識者不能知董養嘆曰昔周時所盟會狄泉此地也蒼者

胡象白者國諱也失鵝復還傳承為江夏守有一隻鵝失之

三年忽引道得三十餘頭來向承家異苑鵝女溪太元中章

安郡史惺有駁雄鵝善鳴惺女常養之鵝非女不食苟愈苦求

得之鵝輒不食乃以還惺又數日晨起失女及鵝隣家聞鵝向

西追至一水唯見女一及鵝毛在水邊今名此水為鵝女溪行

記倉鵝入帳

宋書胡蕃為高祖從事征廣固累月未拔忽有

鳥如鵝蒼赤色飛入高祖帳裡皆駭愕蕃起賀曰蒼色赤色者

戎虜戎虜歸我大吉之祥也明日攻城陷之鵝鈴濟南郡張

公城西北有鵝浦南燕世有漁人居水側常聽鵝聲而衆鵝中

有鈴聲其清亮侯之見一鵝咽頸極長目羅得之項上有銅鈴

綴以銀鑲有隱起元鼎元年字天寶末德清沈朝家有

鵝育卵而腸出以死其雛悲鳴不復食啄敗薦覆之又齧芻草

毋前若祭奠狀長吁數聲而死沈氏異而埋之後人曰呼為孝

鵝塚寰宇記詠鵝駱賓王七歲詠鵝云鵝鵝鵝曲項向天歌白

毛浮綠水紅掌撥清波贖鵝久視年中越州有祖錄事不得

名早出見搭鵝向市中者鵝見錄事頻顧而鳴祖乃以錢贖之

至僧寺令放為長生鵝竟不肯入寺但走逐祖後經坊歷市稠

人廣泉之慶一步不放祖收養之仇池筆記杭

人喜食鵝日屠百鵝子自湖上夜歸屠者之門百鵝皆號若有

所許鵝能警盜亦能辨蛇有二能而不能克死又有祈雨之厄

悲夫宋祈雨靈法擇靈祠為壇取百鵝割項盛血并鵝奠之

次日俱於壇前瘞之

鴨 爾雅鴨一名舒鳧 說文鶩野鳧也 曲禮曰庶人之鶩

匹匹鶩也 周官庶人執鶩鄭曰鶩取其不飛遷 說苑

鶩無佗心故庶人以為孽 傳子云鴨足何以取雞足何以翮

莊子曰鳧脛雖短續之則憂 鳧翁翁頭上有毛

老鳧

頓琦至孝母喪感慕哀聲不絕有飛鳧白鳩棲廬側

見人即去見琦而留 卜寧父歎致飛鳧一隻游廬旁小池見

人則馴附如家所畜後遭母喪寄歸至所居一宿雙鳧復歸廬

池中 **雙鳧**

吳志達昌侯孫慮於堂前作閣鴨欄頗施小巧

陸遜正色曰君侯宜勤覽經典用此何為慮即毀之 **三**

喬為鄴令每月朔望常自縣詣臺朝帝極其來數而不見 **三**

密令太史伺望之言其臨至輒有雙鳧從東南飛來於長堤 **三**

張之但得一隻為是先所賜尚書官屬履也 **三** 人有得

鳧鳥毛長三丈以示張華華見曰不然此謂海鳧毛也出則天

下亂為大人

栢邈為汝南郡人齋四鳥鴨作禮大見夢四鳥

衣人請命覺忽見鴨將殺遂救之買肉以代施夢四人來謝而

去首頭翁

周訪少時與商人共入官亭廟宿起如廁見一白

頭翁訪逐擒之化為雄鴨訪捉還船欲烹之目而飛去 **鴨**

廣州滄淮縣金池王家有養鵝鴨池嘗於鴨糞中見越金遂多

收淘之日得一兩緣此而致富貴子孫皆為使府劇職三世後

池即無金王氏力殫矣 陳懷卿嶺南人也養鴨百餘頭後於

鴨欄中除糞糞中有光燦然試以盆水沙汰之得金十兩乃覘

所食處於舍後山足下土中有越金銷得數千斤遂巨富 **金**

驚鴨復金

陸龜蒙有聞鴨一欄有驛使過挾彈斃其元者龜

蒙手一表云此鴨能作人語待附蘇州上進使者索何覈之使人恐以橐中金酬之徐問曰鴨何言荅曰能自呼其名使人憤且笑拂袖上馬龜蒙復召之還其金曰吾戲耳有詩云千首文章二頃田橐中未有一錢者却回養得綠頭鴨驚破王孫金彈丸綠頭鴨李遠為杭州刺史嗜啗綠頭鴨貴客經過無他饋餉相厚者乃綠頭鴨一對而已費鴨鞭孫唐安南都護登祐家巨富奴婢千人莊田綿亘口復自供未嘗設客孫子將鴨費用祐以擅破家私鞭二十金狸吟聞鴨唐書齊王祐太宗第五子好養聞鴨忽有野狸入籠中咬四十餘鴨皆斫其頭去後謀反敗死同惡誅者四十四人

雞

爾雅雞大者蜀蜀子鷄未成雞曰健絕有力奮雞三尺為鷄說題辭曰雞為積陽南方之象火陽精物爰上故陽出雞鳴以類感也郭璞言雞有蜀魯荆越諸種越雞小蜀雞大魯雞又其大者或曰越雞即荆雞也曲禮雞曰翰音古今注雞一名燭夜方言陳杳東樹之間謂雞為鷄徐魯之間謂之秋侯子一名戴冠即莊子曰姬雞揜狸又曰越雞不能伏鷄卵魯雞固能矣淮南子曰雞知特且鷄知夜半呂氏春秋善學者齊王之食雞也食其雞數千而後足魏志曰馬韓國出細尾雞其尾長五尺餘廣志曰雞有胡雞五指金散反翅之種春秋說題辭曰雞之為言佳也佳而起

為人期莫寶也 風俗通曰呼雞曰朱朱倍云雞本朱氏翁化
為之今呼雞皆朱朱也 河圖曰玄雞白頭食之病人雞有六
指有四距有五色皆殺人 讀書錄云前雞先鳴者陽氣動也
牛中雞亦鳴者陰氣動也 雞或乙丙夜報鳴者俗謂之雞啼
云行且有赦故後魏此齊南宮大赦於殿門外建金雞象皆不
識其義問於司馬膺之對曰海中曰占云天雞星動為有赦帝
王以為候至今猶然亦曰盛帝為有火 具均曰雞有呼群之
德庶有食萃之美 田饒謂魯哀公曰君不見夫雞乎頭戴冠
者文也足搏距者武也敵在前敢鬪者勇也見食相呼者仁也
守夜不失時者信也雞有五德君猶日淪而食之者所從來近

也 鹽鐵論雞跑而食之每有所擇故曰小廉如雞 王褒曰
魚瞰雞睨李善以為魚目不瞑雞好 視 物類相感志野雞
屬陰先鳴而後鼓翼家雞屬陽先鼓翼而後鳴 抱朴子曰雞
有專棲之權 南越志曰雞冠四開如蓮花鳴聲清徹 寇宗
奭曰巽為雞雞鳴于五更者時將至巽位感動其氣鳴也 雞
鵝以先生毛而後出殼其毛羽弱不能因風而起百鳥先出殼
而後生毛毛羽勁故能飛 僧家謂雞為鑽雞菜 白澤圖老
雞能呼人姓名殺之則止 雞有四距重翼者龍也殺之震死
徐季龍曰世有軍事則感雞雞先鳴何也管輅曰夫雞者兌之
畜金者兵之精雞者雉之鳥獸者武之神故太白揚輝則雞鳴

發感流行則雉驚各感類而動

天鷄

有大樹曰桃都枝相去三千里上有天鷄日初出照此

木天鷄即鳴天下鷄皆隨之

列仙傳

祝鷄翁雒陽

人居尸卿北山下養鷄百餘年皆有名字暮撫子樹畫放食呼

名即別種而至博物志祝鷄翁善養鷄今世人呼鷄云祝祝起

此也

金鷄

述異記曰零都縣江邊有石室常有神鷄色如

金出穴奮翼長鳴見人輒飛入穴因彌為金鷄穴

越絕

後漢

書曰鷄山者句踐以畜鷄將伐吳以食死士

不食雞

後漢

書曰河南樂羊子妻不知何氏女常有他禽雞謬入垣內姑盜

殺食之妻對雞不食而泣姑怪問之妻曰自傷居貧使食有他

肉姑竟棄之

幽明錄晉兗州刺史沛國宋處宗嘗買

得一長鳴雞愛養甚至恒籠著窓間雞遂作人語與處宗談論

極有玄致終日不輟處宗曰此功業大進

西京雜記漢武帝

時交趾越萬獻長鳴雞司晨雞其司晨即下漏驗之晨刻無差

長鳴即一食時不絕聲

江表傳南郡獻長鳴承露鷄

魏文

帝遣使求長鳴短鳴雞群臣以非禮欲不與孫權勅付之

西河記涼州罪人於市將刑忽有一白雄雞飛於人邊請命引頸

長鳴伏地向吏駭之去輒來刺史張義免其坐

徑山法師養

一雞常隨法會後師之長安雞長鳴三日不食而死

洞冥記有遠飛雞夕則還依人曉則絕飛四海外朝往夕還

雞 紀渚子為周宣王養鬪雞十日而問雞可鬪已乎曰未也
方虛驕而恃氣十日又問曰未也猶應影響十日又問曰未也
猶疾視而盛氣十日又問曰幾矣雞雖有鳴者已無變矣望之
似木雞矣其德全矣異雞無敢應者反走耳 季氏與郈氏鬪
雞郈氏介其雞而季氏為之金距季氏之雞不勝季平子怒目
侵郈氏之宮而築之郈昭伯怒譖之魯昭公使昭伯將卒以攻
之不勝而死昭公奔齊 淮南莊子曰羊溝之雞三歲為株相者
視之則非良雞也然數以勝人者以狸膏塗其頭也按羊溝鬪
雞之處株魁帥也狸膏塗頭雞畏狸故也 漢宣帝徵時數與
許奉先鬪雞後封為侯女為皇后 賈昌七歲為雞坊五百小

兒長至元和間九十餘歲人問開元之治昌曰年必以小兒求
媚於上安知朝廷之事也 異聞錄 **雞** 梁文繡與羅子
鍾為友俱仕於梁文繡既死羅子鍾哭之其夜俱亡梁南七里
有山葬繡於其中北九里有澗埋鍾於其間繡神靈變為雞鍾
魂魄化為雉清鳴哀響往來不絕故詩曰雞山別飛響雉澗和
清音 異苑 **雞** 宣帝時未央宮路軫中雌雞化為雄元
后時始為太子妃至平帝歷五業而王莽葉漢 **雞** 江道為
殷浩長史伐下令乃取數百雞以長繩連之脚皆繫火一時駭
放群雞駭散飛過澗集羌營皆燃因其驚亂縱兵擊之 **雞**
雞 支遁幼時嘗與師共論物類謂雞卵生用未足為殺師不

類苑卷之二十一

三

能屈師尋亡忽現形投郊子地殼破雞行頃之俱滅道乃感悟
 由是蔬食終身高僧傳**食雞**祖述與劉琨同枕中夜聞荒雞因
 起舞符堅將入寇江右其妾張氏諫云該言雞夜鳴者不利行
 師犬群噪者官室必空兵動馬驚軍敗不歸秋冬以來群犬皆
 嗥哀雞夜鳴鹿馬驚逸武庫兵器有聲頑諱思之堅不聽**雞**
聚符朗善知味會稽王道子殺雞以食之既進朗曰此雞
 棲常半露檢之驗焉 朗食鵝炙知黑白之處人不信既而試
 之果然**雀登雞**晉元帝未登極有三雀共登一雉雞背三
 入安東府廳事占者云當三進爵為天子也**玉雞**昭靈
 后名舍始遊於洛水有玉雞舍赤珠曰吞之者三舍始吞之生

漢高祖雞頭臨盤徐州人吳清以太元五年差征殺雞求福
 置頭盤中忽然而鳴後得賊帥邵寶首以功拜清河太守越自
 行伍猥蒙深位雞之效更為祥甄異記**四足四翼**後魏崔光字
 長仁正始元年夏有典事史元顯獻四足四翼雞詔趙邕以問
 光光曰翅足衆多群下相扇動之象雞而未大脚羽差小其勢
 尚微易制御也帝大悅後數日茹皓等並以罪伏法**白雞**
雞梁時有人常以雞卵白和沐使髮光黑每沐輒破二三十
 枚臨終但聞髮中啾啾數千雞雛之聲**白團**周武帝好食雞
 卵拔虎為監膳儀同開皇中死而復蘇云被攝證武帝進白團
 事儀同不識左右曰名雞卵為白團也**破雞得粟**傅琬為山

陰令有二野父爭雞問雞何食一云豆一云粟乃殺雞破得粟
罪言豆者一縣稱其神**戴冠郎**汴人張琦家有女子八夜哀
痛白日即安已經年歲王勣至其家停宿聞女子聲開口鏡照
之痛者曰戴冠郎被殺其病者床下有雄雞死矣乃是主人
七八歲老雞集聞**款公子**韓琬與張昌宗三本立同遊太學
博士姓張即昌宗之族叔畜一雞呼為勣公子愛之不已或撰
破書叱逐之必被喚責昌宗為此雞被執本立舉牒數雞罪殺
而食之**雞**長安富民羅會以剔糞自業里中謂之雞肆因
剔糞而有所得也家財巨萬有士人陸景賜過所止館舍甚麗
無所不有問曰主人即如此快活何為不罷惡事會昌吾中問

停廢一二年奴婢死亡牛馬散失復業已來家園稍遂非情願
也食載**白衣人**勃海高疑巨富忽患月餘日怙然而卒心上
有殘經曰而蘇云有一白衣人眇目把牒冥司訟殺其妻子疑
對元不識此老人冥官云君命未盡且放還遂悟白衣人乃是
家中老瞎麻雞也 搜神記雞不三年犬不六載**烏衣婦人**
衛鑄為縣官下縣至里人王幸在家方假寐夢一烏衣婦人引
數十小兒皆黃衣咸言乞命叩頭再三斯須又至鑄甚惡其事
遂催食飲前過鑄所親者報曰王幸在家窮無物設饌有一雞
見抱兒已得十餘日將欲殺之鑄方悟烏衣婦人果雞也遂命
解放是後復憂感欣然而去並食**五時雞**有司夜雞隨鼓節

而鳴不息從夜至曉一更為一聲五更為五聲

風縣有潮雞鳴長且清如吹角每潮至則鳴一名林雞其冠四

開如芙蓉地雞石雞白水南行十餘里有雞山傍有大山疎

上有石雞冠距如生道士李鎮於此下住常寶玩之雞一旦忽

摧毀鎮告人曰雞卒如此吾其終乎因與親知訣別後月餘果

卒似知命云不許雞賀邵作吳郡初不出強族輕之題府門

曰會稽雞不能啼中雞一名其疎雞喙廣而長闊數寸

紅碧相間遇晴頂上先出角肉二寸許然後徐等其緩中雞

萬安軍道士嘗一龜如錢一猿猴如蝦蟆一雞如倒掛子置枕

中鳴則起空山雞謝安寢疾曰吾昔夢白雞今歲在酉吾

殆不起乎尋覺見死門

山雞 山雞愛其毛羽映水則舞魏武時南方獻之帝欲

其鳴舞而無由公子蒼舒令取大鏡着其前鷄鑒形而舞不知

止遂之死帝仲將為之賦其事鷄鷄曾城縣多鷄鷄鷄山

鷄也利距善聞世以家雞鬪之則可擒也光色鮮明五采炫耀

陳倉鷄 陳倉山在太白之西上有石鷄與山雞趙時差使燒

山山鷄飛去石雞不去晨鳴山頭聲聞三十里或云是玉雞覆

火災 山海經云鷺雉一名山雞養之攘火災山雞毛平原

太守劉邵取山雞毛著器中使管輅筮之輅曰高岳巖巖有鳥

朱首羽翼玄黃鳴不失晨此山雞毛也斷尾雞賓孟適郊見

雄雞自斷其尾問之侍者曰自憚其犧也

鷓鴣

說文鷓一各水鷓 埤雅鷓信鳥 南越志江鷓一名

海鷓在漲海中隨潮上下常以三月風至乃還洲嶼類

知風雲若群飛至岸必風 山海經玄股國人食鷓

海翁押鷓

列子海上之人好鷓者每旦之海上從鷓鳥遊鷓

鳥之至者百數而不止其父曰吾聞鷓鳥皆從汝好取來吾翫

之明日之海上鷓鳥舞而不下 **鷓鴣** 孔帖唐崔湜為相

陰附太平公主時人危之門下客獻海鷓賦以諷而不收 **鷓鴣**

集鷓 咸和二年正月製萬國有五鷓集于太極殿前時獲峻

作逐宮室被焚

雉

禽經雉介鳥也耿介而一志者雉也 周禮士執雉取其

守介不失節 爾雅雉有十四種伊洛西南素質五彩皆

備成章曰鸞江淮而南青質五彩皆備成章曰鷓南方曰鷓東

方曰鷓北方曰鷓西方曰鷓 林慮山下人語曰四足之義有

鹿兩足之義有鷓 說文雷始動雉鳴而雉其頸 蔡邕云雷

在地中雉性精剛故獨知之應而鳴也 禽經雀交不一雉交

不再 也書雉不再合信也 曲禮雉曰疏趾 博物志翟雉

長尾雨雪惜其尾棲高樹杪不敢下食往往餓死 中和集商

人置雉尾于舟中以候陰晴天當晴則尾直豎天將雨則尾下

垂 澤雉十步一啄百步一飲不鄣畜於樊中 **雉** 古今注商高

宗有雉雉之徽章服多用翟故有雉尾扇 車服在天子金根
車馬上插以翟毛皇后法駕乘翟毛蓋 抱朴子白雉有種南
越允多今之九德則古之越裳也成王以為瑞者貴其所自來
之遠明其德化所被之廣謂此為奇也 三國典略高歡攻鄴
時瑞物無歲不有令史焚連理木殺白雉而食之 則天初誕
之夕雌雉皆雉 山海經以華之山其鳥多赤鷩可以禦火孟
山鳥多白雉 爾雅鷩諸雉今雉也鷩雉長尾走且鳴鷩雉青
質五彩鳴雉黃色鳴自呼鷩雉似山鷩而小五雉為五工正月
令孟冬雉入大水為蜃 按神契德至鳥獸故雉白首 感精
符王者夢流四表則白雉見 漢平帝時越裳獻白雉黑雉

千金買雉

尹文子楚人握山雉路人問何鳥也曰鳳凰也路
人曰我聞鳳凰今始見矣請買千金弗與請加倍乃許之方欲
獻楚王經宿死路人不遠惜其金惟恨不得獻王王聞之感其
欲獻已召厚賜之過買鳥之金十倍 **射雉** 賈大夫娶妻而美
不言不笑御以如臯射雉獲之其妻怒言而笑 魏書太祖才
力絕人於南皮一日射雉獲三十六頭 侍中辛毗從文帝射
雉帝曰樂哉毗曰於陛下甚樂於群下甚苦帝默然為之希出
孫權教射雉潘濬諫曰射雉非急絃絕括破皆能為官乃手
自撤壞雉翳權絕不復射 孫休銳意于典籍大好射雉春秋
之間常晨出夜還惟此時捨書 **畫雉** 孔異傳秦穆公時

陳倉人掘地得物若羊非羊若猪非猪幸以獻穆公道逢二童子童子曰此名為媪常在地中食死人腦若欲殺之以拍掉其首媪復曰彼二童名為陳寶得雄者三得雌者霸陳倉拾媪逐二童子童子化為雉飛入平林穆公發徒大獵果得雌又化為石置之沂涓之間至文公為立祠名陳寶雄飛南集今南陽雉縣其地也每陳倉祠時有赤光長十餘丈從雉縣來入陳倉祠中有聲如雌雄雉謂雄也衛侯女嫁於齊太子中道聞太子死問傅母曰何如傅母曰且往當喪喪畢不肯歸終之以死傅母悔之取女所自操琴於塚上鼓之忽二雉俱出墓中傅母撫雉曰女果為雉耶言未畢俱飛而起忽然不見傅母悲痛按琴

作操故曰雉朝飛 齊牧犢子年七十無妻朝日見飛雉雌雄相隨感之撫琴而歌曰雉朝飛鳴相和雄雌群遊於山阿司馬執之善射雉太元中將媒下翳比媒屢能野敵亦應試令尋覓所應者頭翅已成雉半身後故是蛇 晉武庫內忽有雉誰張華曰必是蛇化也即搜庫中果得蛇蛇 後魏袁安祖曾行值天熱舍於樹下有鷲鳥逐雉雉急投之遂觸樹而死安祖憇之乃取置陰地徐徐護視良久得蘇而放之後夜忽夢見一丈夫衣冠甚偉着縞衣曲領向安祖拜安祖怪而問之此人云感君前者見放故來謝道韞不補 魯恭為中軍令河南五道肥親坐樹下雉過止恭側旁有小兒親曰

何不捕之兒言雉方將雛可憐親歎曰童子有仁心三異也

蕭芝 孝除尚書郎有雉數十頭飲啄宿止營上

直送至岐路下直入門飛鳴卓倒陳宣帝時釋僧

安住三室山講涅槃有雌雉伏聽三卷未了遂絕不至安曰雉

三人道矣安至越州人家喫雌雉一女走出如舊相識父母異

之引安設食其父言見此文生時髮如雉毛目以為名安大笑

為述本緣顯頊之玄孫彭祖能調鼎進雉羹於元帝

高宗 祭成湯有飛雉升其耳而雉祖已曰雉野鳥也今

升鼎遠方將有未朝者乎

類苑叢寶卷之四十一

類苑叢寶卷之四十一

鳥獸門

杜鵑 格物論杜鵑一名杜宇一名子規一名周周三四月
間始鳴夜啼達旦血漬草木凡鳥皆北向啼苦則倒

懸于樹自呼曰謝豹越間謂之怨鳥按寰宇記蜀之先肇

于人皇之際至黃帝子昌意娶蜀人女生帝嚳後封其支庶於

蜀歷夏殷周始封王者自名蠶叢次曰栢灌次曰魚鳧其後有

王者曰杜宇號望帝自恃功德乃以褒斜為前門熊耳靈關為

後戶玉壘峨眉為池澤時有荆人驚靈死其屍隨水上流荆人

求之不可得驚靈至汶山下忽復生見望帝帝立以為相後帝

自以德不如鷲靈因禪位於鷲靈號開明遂自亡去化為杜鵑
故蜀人聞杜鵑啼則曰是我望帝也 或曰杜宇非子規春夏
有鳥若云不如歸去乃子規也未詳孰是 博物志杜鵑生子
寄之他巢百鳥為飼之 華陽風俗錄杜鵑大如鵲而羽鳥其
聲哀而吻有血土人云春至則鳴聞其初聲則主離別之苦人
惡聞之惟田家候其鳴則興農事 康節先生行洛陽天津橋
忽聞杜宇之聲嘆曰北方無此物異哉不及十年其有江南人
以文字亂天下者乎客有何以知此曰天下將治地氣自北而
南將亂自南而北今南方地氣至矣

燕

一名天女 爾雅齊曰燕梁曰乙 莊子鳥莫知於鷦
鷯鷽鷽燕也 博物志燕戊巳日不啣泥塗巢 月令
仲春之月玄鳥至至之日以太牢祠于高禘 帝嚳元妃簡狄
祠于高禘有玄鳥遺卵吞之生契 顏頊苗孫曰女脩女脩織
玄鳥隕卵脩吞之生大業 文昌雜錄昔年回開河岸崩見蟄
燕無數都鑑鎮鄒山百姓饑餓或掘野鼠蟄燕而食之乃知燕
亦蟄非渡海也 苕溪漁隱曰冬間於山中關一路路傍有數
巨石其穴頗深令僕輩斫之見蟄燕蟄於其間甚衆急掩之因
驗文昌之言為是

白燕

魏禪晉之歲北關下有一白燕以為神物以金為籠置

於宮中旬日不知所在論者以晉金德之瑞 元嘉元年七月
有白燕集於齊郡遊翔庭宇經九月乃去衆燕翼隨恒有數千
宣城記侍中紀昌睦初生有白燕一雙出屋既未素質宦途
亦通 涼州記呂光時白燕遊酒泉郡黑燕列從 續異記孫
氏更黃見一童子當前以釵擲之躍入雲中夜聞外歌曰昔
填夏家塚輦泥頭欲充今寄黃氏居非意傷我目尋覓巢中得
一白燕左目傷 高士馬樞目常黃能視閻中物有白燕一雙
巢其庭樹馴狎欄廡時上几案春來秋去幾三十年 石燕 零
陵有石燕形似燕得雷風則飛頭如真燕 漢臨
江王榮坐侵廟壞為宮徵詣中尉自殺葬藍田燕數萬銜土置

冢上 史記 王莽開哀帝母丁姬塚有鸞數千銜土投其窟中

宋清州刺史都泰玄性仁恕德感禽獸葬時有鸞數千銜土於

塚 山經 丞相薛宣對曰茂陵寢上食日玄鳥來集吐所含大

豆紫黑色翱翔殿上此陛下永與天無極天下幸甚 識寶語

安清字世高安息國王太子也漢桓帝時人聰敏博學鳥獸之

聲無不綜達嘗行見群燕忽謂伴曰燕云應有送食者頃之果

有致焉 高僧傳 李惠長於思察雍州聽事有燕爭巢聞已

累日惠令人掩獲試命網紀斷之並辭惠乃使卒以弱竹彈兩

燕既而一去一留惠笑謂吏屬曰此留者自計為巢功重彼去

者既經楚痛理無固心群下伏其深察 魏女墳 見夫妻門

烏衣國

唐王榭航海遇風舟破附一板抵一洲見翁媪皆卓
服曰此吾主人也引至宮室見王左右皆婦人王卓袍烏冠
金花閃閃翁以女妻榭榭問女曰此國何名曰烏衣國也王召
宴於寶黑殿器皿俱黑命玄玉盃勸榭曰入吾國漢有梅成今
有足下王命作詩卒章云恨不此身生羽翼王曰雖不能與君
生羽翼亦可令君跨烟霧宴歸女曰君詩尾句何相譏也王不
悅遣人曰某日當回命取鸞雲軒令榭入其中閉目少息已至
其家梁上雙燕呢喃下視榭乃悟所止燕子國也至秋二燕將
去悲鳴庭戶榭書一絕繫燕尾曰誤到華胥國裏來玉人終日
苦憐才雲軒飄去無消息淚洒春風幾百回來春燕至尾有小

東乃所寄詩曰昔日相逢冥數合如今睽遠是生離來春縱有
相思字三月天南無鴈飛明年燕果不來託燕來也張九齡
在相位李林甫陰欲中之九齡作歸燕詩曰無心與物競鷹隼
莫相猜林甫知其必退恚怒稍解燕來也沛國周氏有三
子瘖有一人就門乞食曰君有罪可還內思其愆其人曰昔為
小兒時燕有三子試以指內巢中燕子開口乃以羨藜食之吞
之即死其母尋迴不見其子徘徊悲啼而去今甚悔之客曰君
既知悔罪今除矣便聞其子語周正即不見道人宣驗寄書燕
開元遺事長安富商任宗為賈湘中數年不歸其妻紹蘭觀堂燕
長吁語燕曰我聞爾從海東來往復必經湘中幾墜家數年

茂有音耗欲憑爾附詩任郎可乎燕即飛下止紹蘭膝紹蘭作
詩一絕云我誓去重湖臨牕泣血書慙慙燕翼寄與薄情夫
將詩繫燕足燕遂飛鳴而去時宗在荊州忽有燕繞身而飛止
于肩足有小封乃妻所書也宗感而泣下次年歸如燕玉堂
閑話嘗有燕巢於舍下雛已哺食矣其雌者為猫所搏食雄啣
啾久之方去即時又與一燕為匹而至哺雛如故不數日雛相
次墮地宛轉而殭兒童剖腹視之則有羨黎在嚙中蓋為繼偶
者所害不巢宋錢惟演自充守罷遂築室于楊亦既五
年忽春深燕不歸已疑之默訪諸寺觀州宅皆不至不二年一
城工虛矣蟻九燕田琢丙辰從軍塞外有雙燕為巢土人不

識屢欲捕之田曲為全護此燕晝出夜歸田必開戶待之忽一
日飛止坐隅移時不去田思明日秋社燕當歸矣作詩云幾年
塞外歷奇危誰謂烏衣亦此飛朝向蘆花知有為暮投茅舍重
相依君憐我處頻迎語我憶君時不掩扉明日西風悲鼓角君
應先去我何歸遂細書為蠟丸俟其足上又八年甲子為潞州
判官偶坐解舍忽雙燕至一上硯屏田諦視即前燕也蠟丸尚
在中州頁燕雙燕巢於燕人柳湯佐之宅一夕家人舉燈照
竭其雄驚墮為猫所食雌傍徨悲鳴不已朝夕守巢哺諸雛成
翼而去明年雌獨來人視巢生二卵疑其更偶徐伺之則抱雛
之殼耳

雀

禮記季秋雀入大水為蛤 賓雀者老雀也栖宿人家
有似賓客故謂之賓雀 雀一名嘉賓

黃口

孔子見羅者所得雀皆黃口也孔子曰黃口盡得大雀
獨不得何也羅者對曰黃口從大雀者不得大雀從黃口者得

孔子顧謂弟子曰君子慎所從

識雀音

公冶長辨鳥雀語云

啾啾嘖嘖白蓮水邊有車覆粟車脚洽泥犢牛折角收之不盡
相呼共啄人驗之果然邢昺云舊說治長解禽語故縲綫 先
賢傳成武丁為郡主簿聞雀鳴謂在坐人曰東市輦粟車覆雀
相呼往食之衆人遣視信然 揚宣為河內太守行縣有群雀
鳴桑樹上宣曰前有覆車粟此雀相隨欲往食行數里果有覆

車粟雀鳴復官

圉人魏尚高帝時為太史有罪繫獄有萬雀

集獄棘樹上鳴曰雀者爵命之祥我必復故官也有頃詔復故

官

傳者舊

雀占其貴 潘樂字相貴初生有一雀止其母左肩占

者咸言富貴之徵因名相貴後以為字 雀食好蟣 開元

間幽州長史張守珪界內好蟣虫食田稼蔓迤入平州俄頃有

群雀來食此虫一日食盡平州稼穡無有傷者 唐書 懷後萬雀

中平三年八月懷陵上有萬餘雀先極悲鳴因亂鬪相殺皆斷

頭懸著樹枝

技神

楊寶九歲見黃雀為鷓鴣所搏懷之

以歸置巾箱中啖以黃花毛羽成飛翔乃去寶三更讀書有黃

衣童子以四玉環與之曰令君子孫潔白且位登三公楊氏四

太尉之後世傳玉環天寶中為揚國忠所奪不知所在獻雀

邯鄲民以正月日獻雀於趙王兩綬以五彩王大悅申叔曰夫

爵者宜受之於上不宜取之於下民非所得制爵也今以一國

之王受民之爵何悅乎孔叢探雀而食趙武靈王為公子何

所圖探雀鷺而食之三月餘遂餓死雀飛入手任城魏肇之

初生有雀飛入手占者以為封爵之祥長清集上虞縣

有奚奴多諸方術向空長嘯則群雀來萃夜哭蚊蚋悉死於側

上解鳥詠 侯瑾字子瑜解鳥音嘗出門見白雀與畢雀同行

慨然歎曰今天下大亂君子小人相與雜居知更雀裴

耀卿勤於王事夜看案牘晝決獄訟常養一雀每夜至初更時

有聲至五更時急鳴耀卿呼為知更雀又於廳前有一桐樹至

曉則有群鳥翔集以此為出廳之候故呼為報曉鳥時人羨為

開元雀啣銅錢 石晉書大將軍張錢始在雍州出遊近郊憇

于大家之上忽有黃雀啣一銅錢置之而去未幾復于衙院晝

卧見二雀相鬪畢各嚙一錢落于前錢以三錢秘于巾箱識者

以為大富之徵交雀 聞見錄泗州有唐碑宋朝未下時一日

有家雀數千集其上人惡之曰豈此地將為漢有耶因焚之蓋

夷中無此禽也已而果然無雀 述異記周成王元年貝多國

人獻舞雀周公命反之庫樓雀 漢書揚由蜀郡人有大雀夜

集庫樓上太守廉范問由由對曰郡內富有兵後二十餘日廣

柔縣蠻夷反殺傷長吏郤火

杜陽樵編唐順宗即位拘弭國

貢郤火雀色純黑大似燕其聲清置火中火自散去遂盛以水
精籠懸于寢殿夜則宮人持蠟炬燒之終不能損其羽毛又釋
氏書言雀郤火災巨公持雀

漢武帝拜公孫卿為郎持節候
神自大室至東萊見一人長五丈自稱巨公牽黃犬持黃雀云
欲謁天子因忽不見雀氣曰

沙州記寒嶺去太陽三十里
有雀與鼠同穴雀亦如家雀色小白鼠亦如家鼠色黃而無尾
與燕爭巢

埤雅雀爭燕巢樹艾至巢中燕不復顧也又白居易
易詩注燕惡艾雀欲棄其巢先樹一艾置其巢燕輒避去因而
棄之

鷹

爾雅鷹鷂鳩 又曰鷹隼醜其飛也 廣志有雉鷹

有菟鷹一歲為黃鷹二歲撫鷹三歲青鷹胡鷹獲聲
禮記立秋之日鷹乃擊 周書驚蟄之日鷹變為鳩處暑之日

鷹乃祭鳥 易通卦驗鷹者執殺之鳥 大戴禮正月鷹則為
鳩鷹也者其殺之時也鳩也者非其殺之時善變而之仁故具

言之也鳩為鷹而之仁故不盡其辭 廣雅白鷹鷹也
持鵬雛 幽明錄楚文王時有人獻一鷹俄而雲際有一物疑

翔鮮白鷹便竦翻而升須臾羽墮如雪血下如雨有大鳥墮地
兩翅廣數十里眾莫能知時博物君子曰此鵬雛也 好獵者鷹

元坦為冀州刺史不恤人事專為聚斂性好畋漁無日不出鷹

犬常數百頭器網十餘車自云寧三日不食不能一日不獵典略

失鷹不問 源乾曜留守京師仗內白鷹因縱失之詔京兆督

捕獲於野絰捺死吏懼得罪乾曜曰上不以畜玩實罪遂入自

劾帝亦不問 **不獻名鷹** 李大亮為涼州都督有臺使見名鷹

諷大亮獻之密表曰陛下絕畋獵久矣而使者求鷹信陛下意

乃乖昔旨如是擅求使非其才太宗曰有臣如此朕何憂 **畫**

鷹獵兒 和魯公有觀畫鷹獵兒詩云雖是丹青物沉吟亦可

傷君誇鷹眼疾我憫兒心忙豈動騷人興惟增獵客狂鮫鱗百

餘尺爭及製衣裳范文正公歎曰真仁人之言也 **鷹飛集**

虞潭字思與會沈充等逼京師潭起義軍至上虞有野鷹飛集

屋梁眾懼潭曰起大義而剛鷲之鳥來破賊必矣後如其言 **憎**

眼 蘇峻時孔群在橫塘為匡術所逼王丞相令術勸群酒以

釋橫塘之憾群曰德非孔子厄同匡人雖陽和布氣鷹化為鳩

至於識者猶憎其眼 孔愉與孔群共行在御道逢匡術賓從

甚盛因往與愉共語群初不視直云鷹化為鳩眾鳥猶惡其眼

術大怒便欲刃之愉下車抱術曰族弟發狂卿為宥之始得全

首領 **齊郡** 齊高洋鷹犬皆有儀同郡君之號鷹曰凌

霄郡君食縣也 **金脚** 齊主高洋獲白兔鷹一聯毛羽如雪目

色紫脰並黃號為金脚 **懸崖取鷹** 永徽中萊州人劉幸性好

鷹于界山懸崖自縊而下以取鷹為雛登至巢而繩絕落于樹枝

間下皆壁立進退無所據大鷹見人啣肉不至巢所乃放肉下
幸接取肉餒雛已外即自食之經五十日雛能飛乃裂裳以係
鷹之足一臂上係三聯透身而下鷹飛掣其兩臂比至洞底二
無所傷仍繫鷹而歸**決雲兒** 申王有高麗赤鷹岐王北山黃鶴上愛之每校獵
為決雲兒 申王有高麗赤鷹岐王北山黃鶴上愛之每校獵
必置于駕前目為決勝兒**失鷹詩** 開元初岐王範為岐州刺
史鄭繇為長史王失白鷹繇為詩曰白錦文章亂丹青羽翮齊
雲間呼暫下雪裡放還迷梁苑驚地鶩陳倉拂野雞不知遼郭
外何處別依棲**虎鷹** 鼓老僧見一禽自海上至身大如牛
翼廣二丈餘攫一殺羊望海而去是虎鷹能捉虎豹

鷓

爾雅鷓負雀鷓也 廣雅龍脫鷓也 詩義疏曰雀鷓
也齊人謂之題肩或曰雀鷓春化為布谷此屬數種皆

為隼

詩義問曰晨風今之鷓

爾雅晨風鷓

禽經骨曰鷓

瞭曰鷓鷓曰鷓奪曰鷓

莊子曰鷓為鷓鷓為布穀復為鷓

古劍殺鷓

魏公子無忌方食有鳩飛入案下公子使人顧

望見一鷓在屋上飛去公子乃縱鳩令出鷓逐而殺之公子暮

為不食曰鳩避患歸無忌竟為鷓所得於是捕得鷓三百餘頭

自按劍至其籠上曰誰獲罪無忌者耶一鷓獨低頭乃取殺之

四鷓

太宗嘗得佳鷓自臂之望見魏徵來匿懷中徵奏事故

久不覺鷓竟死懷中

晉州鷓

劉齊賢出為晉州司馬帝以其

方直尊憚之時將軍史與宗從獵苑中言晉州出佳鷓可捕取

高宗曰齊賢豈捕鷓人耶孔帖取鷓頭唐楊德幹高宗朝為

萬年令有宦官侍貴寵放鷓不遮人未稼德幹擒而杖之悉拔

其鷓頭宦者涕泣袒背以示於帝帝曰爾情知此漢寧何須犯

他百姓竟不之問海鷓薛嵩鎮魏時鄴郡中有好育鷹鷂者

市一鷹為有東夷人請以繒百餘段為直曰此海鷓也辟蛟螭患

先是鄴城南陂蛟常為人患郡民若之鄴人遂持往海鷓忽投

陂水中頃之乃出得一小蛇既出食之且盡自是再無其患宣

志唐薛服律樹命梁國朱温宴接教曲歸館後送

鷓子薛致書謝戒僮僕暴以絛囊安鞬袋中來人失笑北晏

鸚鵡

說文鸚鵡能言鳥也 萬畢術曰乾畢一名鸚鵡斷

舌可使言語 禮記鸚鵡能言不離飛鳥 埤雅衆

鳥足趾前三後一其目下臉股上唯鸚鵡四趾齊分兩臉俱動

如人目 扶南東有漲海海中有洲出五色鸚鵡其白者大如

母鷄

詔鸚鵡

漢獻時益州獻鸚鵡三詔曰鸚鵡夜食三升麻子

今穀價騰貴此鳥無益有損可付將軍揚定國令歸本土歲

張華有白鸚鵡華每出行還輒說僮僕善惡後寂無言華問其

故鳥云見葦蕪中何由得知公後在外令喚鸚鵡鸚鵡曰昨夜

夢惡不宜出戶公猶強之至庭為鷓所搏教其啄鷓脚獲免雪

衣娘

開元中嶺南獻白鸚鵡頌

慧洞曉言辭授之詩篇數

遍便可諷誦上每與貴妃及諸王博戲上稍不勝左右呼雪衣娘必飛入局中鼓舞以亂其行忽一日上貴妃鏡臺語曰雪衣娘昨夜夢為鸞鳥所搏將盡于此乎上使貴妃授以多心經以禳之後從枝獵忽有鷹搏之而斃上與貴妃嘆息久之遂命瘞於苑中呼為鸚鵡冢明皇雜錄**徐不使**長安豪民楊崇義妻劉氏與隣舍兒李奔私通同謀害崇義埋井中劉氏訴於官縣官詣所居檢枝架上鸚鵡忽然曰殺家主者李奔也遂執訊得實明皇封為綠衣使**傳呼語書**蔡確貶新州侍兒名琵琶有鸚鵡甚慧確每扣響板鸚鵡傳呼其名琵琶卒後誤觸響板鸚鵡猶

傳呼不已確有詩云鸚鵡言猶在琵琶事已非傷心瘴江水同

渡不同歸又作送將婦賦未幾死**泗水救火**宣驗記有鸚鵡

飛集他山山中禽輒相愛重鸚鵡自念雖樂不可久也便去後

數月山中大火鸚鵡遙見便入水露羽飛而洒之天神言汝雖

有志意何足云也對曰雖知不能救然嘗僑居是山禽獸行皆

為兄弟不忍見耳天神嘉感即為滅火**訴表**貞觀五年林邑

獻五色鸚鵡數許寒適新羅獻義女二人魏徵以為不宜受太

宗喜曰林邑鸚鵡猶能自言苦寒思歸况二女之遠別親戚乎

并鸚鵡各付使者歸之**君山鸚鵡**開皇中柳婦舜自巴陵泛

舟遇風吹至君山目維舟至一處有鸚鵡數十相呼姓字有名

武遊郎阿仙郎阿籬兒者有各自在先生武仙郎踏蓮露者有
名鳳凰臺戴蟬兒多花子者或有善歌者曰問婦舜姓字來路
乃曰為足下轉達桂家三十娘子曰暹呼曰阿春此間有客有
青衣乘雲而下為之設食忽有道士自空飛下投一尺綺與婦
舜曰以此掩眼即去矣婦舜從之忽如身飛却墜以達舟所
折翅則天嘗夢一鸚鵡羽色甚佳兩翅俱折以問宰相群臣
默然內史狄仁傑曰鸚鵡者陛下姓也兩翅折者陛下二子廬陵
相王也陛下起此二子兩翅舉也承嗣三思連頃皆赤金籠飾
玄宗時以林邑國進白鸚鵡慧利之性特異常者因暇日以金
籠飾之示于三相上再三羨之時蘇頲初入相每以忠謹勵已

目前進云鸚鵡能言不離飛鳥臣願陛下深以為志 玄宗時

有五色鸚鵡能言上令左右試牽帝衣鳥輒瞑目叱咤張說表

賀稱時樂鳥合利

唐韋臯鎮蜀常馴鸚鵡念佛鸚鵡苑以乘

門故事閣維之得舍利為造塔臯為之記 獨異志東都有人

養鸚鵡以其慧甚施於佛僧教之能誦經往往架上不言不動

問其故對曰身心俱不動為求無上道及其死焚之有舍利悲

鳴隴山

唐玄宗養鸚鵡一日問之曰思鄉否對曰思鄉遂遣

中貴送還山中後數年有使臣過隴山鸚鵡問曰上皇安否使
臣曰上皇崩矣鸚鵡聞之悲鳴不已使臣賦詩曰隴口山深草
木荒行人到此斷肝腸耳邊不忍聽鸚鵡猶在枝頭說上皇

建

實錄以為 **林有問主** 聞見錄閩中商有得鸚鵡于隴山者偶

宋高宗事 以事下獄出而嘆恨不已鸚鵡曰郎在獄數日已不堪鸚鵡遭

籠閉累年柰何商感而放之去後每有同輩過隴山者鸚鵡必

於林間問其安否託以寄聲焉 **鸚鵡瘡** 廣南新春十州多鸚

鵡食木葉搭實凡養之俗忌以手觸其背犯者即多病顛而

卒土人謂為鸚鵡瘡 賦鸚鵡 漢栢衡在江夏人有獻鸚

鵡者衡攬筆作賦辭彩甚麗 宋謝莊為太子庶子時南平王

錄上赤鸚鵡普詔群臣為賦左衛率表叔文冠當時作賦以示

莊莊賦亦竟叔見而嘆曰江東無我卿當獨步我若無卿亦一

時之傑遂隱其賦

鸚鵡 拾物論鸚鵡似鴉而有憤色純黑金眼穴居一名寒鼻
斷舌可使言語 考異經鸚鵡夷狄之鳥穴居於陰

周世鸚鵡不踰齊 南唐主煜改鸚鵡為八哥亦曰八兒

鸚鵡來巢 魯昭公時鸚鵡來巢師已曰吾聞文武之世童

謠有之鸚之鵲之公出辱之鸚鵡踈踈公在乾侯鸚鵡鸚鵡往

歌來哭今鸚鵡來巢其將及乎 **鸚鵡報事** 晉司空桓豁在荆

有參軍五月五日剪鸚鵡舌教令學語遂無所不名人於鸚鵡前

盜物參軍如廁鸚鵡伺無人密白參軍銜之而未發後盜牛肉

鸚鵡復白參軍曰汝去盜肉應有驗鸚鵡曰以新荷裹著屏風

後檢之果獲痛加治而盜者患之以熱湯灌殺參軍悲傷累日

遂請殺此人以報其怨司空教曰原殺鸚鵡之痛成合論殺不
 可以禽鳥故極之於法令止五歲刑錄 對鈞 唐秘書少監
 崔行功未得五品前忽有鸚鵡啣一物入其室置按上乃去乃
 魚袋鈎玦不數日加大夫 取火 酉陽雜俎鸚鵡可使取火效
 人言勝鸚鵡取其目睛和人乳研熖眼中能見烟霄外物 念佛
生蓮 宋天台黃巖寺僧畜一鸚鵡常隨僧念佛不待僧教亦
 自念得一日立死籠中僧葬之生紫色蓮花穿土而出大智律
 師為之訟曰籠中立死潭閣事化紫蓮花也大奇 耕餘 **鸚鵡舞**
 謝尚為王導掾導有勝會尚使着衣幘而舞生者撫掌擊節尚
 俯仰其中傍若無人

鳥

說文鳥孝鳥也 鳥者日中之禽元命包鳥者陽之精

火流為鳥鳥孝鳥何知孝鳥鳥陽精陽天之意鳥在日中

後天以昭孝也

瑞應圖三足鳥王者慈孝被於萬姓不好殺

生則來

武王時赤鳥銜穀米至屋上兵不血刃而殷服王者

不貪天下而重民命則至

抱朴子熒惑火精生朱鳥 帝王

世紀豐公家于沛之豐邑中陽里其妻夢赤鳥若龍戲已而生

執嘉是為太公太上皇

古今注所謂赤鳥者朱鳥也其所居

高遠日中三足鳥之精降而生三足鳥何以三足陽數奇也是

以有虞至孝三足集其庭曾參鋤瓜三足萃其冠 三五曆天

地之初有三白鳥主生衆鳥 堯時十日並出堯命羿仰射十

日中其九鳥皆死墮其羽翼惟周公曰愛其人者及其屋上鳥
憎其人者憎其除胥 桓帝時童謠曰城上烏尾畢通一年生
九雛

仁鳥

晉文公焚山求介子推有白鳥遮烟而噪或集介子推
之側火不能焚晉人嘉之起一臺曰思烟臺種仁壽木似栢而
枝葉長花可食其鳥又云仁慈鳥諸遺 越王八國丹
鳥夾王而飛故勾踐得八國也起望鳥臺言鳥之異也獨頭白
燕太子丹質於秦秦王遇之無禮不得意欲歸秦王不聽謬言
曰令烏頭白馬生角乃可丹仰天歎烏即白頭馬生角秦王不
得已而遣之朝之鳥 漢御史府中列栢樹常有野鳥數千棲

宿其上晨去暮來號曰朝夕鳥亦鳥置蘭

吳順字叔和母歿

負土成墳有赤鳥巢門甘露降戶

喻

異苑東陽顏烏以純

孝著聞後有羣鳥銜鼓集顏所居之村鳥口皆傷一境以為顏

至孝故慈烏來萃銜鼓之異欲令聾者遠聞即於鼓處立縣而

名為烏傷王莽改為烏孝以彰其行迹云羣鳥得魂 李陶交

趾人母終陶居於墓側躬自治墓不受隣人助羣鳥銜塊助成

墳鳥夜啼

海鹽南三里有烏夜村晉河準所居也一夕羣鳥

啼噪準適生女他日復夜啼乃穆帝立準女為后之日

三鴉引

路 後魏太和中孝文親征馬圈行至賈復城會霰得三鴉引

路遂至南山因號通鴉城孝感鳥

北齊蕭倣隨父祗至鄴祗

卒做居喪以孝聞居廬室前有二慈鳥來集各據一樹為巢自
午以前馴庭飲啄午後更不下樹每臨哭時舒翼悲鳴全似京
泣家人測之未嘗有闕時以為至孝之感後周書宗懷遭母
憂痛哭嘔血羣鳥數千集于舍候哭而來哭止乃去烏家諸人
陳書司馬申短毛喜於後主使其廢錮申嘗晝寢於尚書省下
有烏啄其口流血時論以為諸賢所致陶軍軍賊延和初孫
佺為幽州都督北征奚出軍之日大星落于營軍行後幽州界
內鴉烏鴟為並皆隨軍墜二旬而後軍八萬烏鴟食其肉食其
九軍出有烏鴟隨其後者皆敗亡之徵元和中有曾敬雲者嘗
為北都裨將李師道叛時曾將行營兵士數千人每出軍有烏

為隨其後即軍必敗率以為常行末為城貞元四年夏鄭汴
境內烏皆羣飛集魏博田緒潘青李納境樹木為城高三三尺
方十里緒納惡而焚之信宿如故烏口皆流血十八年六月
烏集徐州之滕縣縣為城中有白鳥一碧鳥一魏公為唐
魏伶為西市丞養一赤嘴烏每與人衆中之錢人取一文而銜
以送伶處日收數百時人視為魏公高昌國有朝鳥
者旦集三殿前為行列不畏人日出然後散去挽鈴温璋
為京兆尹勇於殺戮京邑憚之一日聞挽鈴而不見有人如此
者三乃一鴉尹曰是必有人探其雛而來訴也命吏隨鴉所在
而捕之其鴉盤旋引吏至城外樹間果有人探其雛尚懸樹下

吏執送之府尹以事異於常乃斃之 **鬼** 烏之白胆者西南人謂之鬼雀鳴則凶咎 **書** 漢明帝東巡泰山到滎陽有烏飛鳴乘輿上虎賁中郎將王吉射之祝曰烏啞啞引弓射洞在腋陛下壽萬歲臣為二千石帝賜錢二百萬令亭壁皆畫為烏 **取** 宋景公無子取公孫周之子得與啓畜諸公宮公卒大尹立啓得夢啓北首而寢于廬門之外已為烏而立于其上味加于南門尾加于東門曰余夢義必立後得使國人施于大尹大尹奉啓奔楚乃立得是為宋昭公按飯九 **吳錄** 彭澤有烏能接丸行者丸飯投之高下無失 **詔** 烏為旗 **北史** 齊世辯性怯懦周師入鄴辯以十餘騎覘後登高西望遙見羣

烏飛起以為旌旗即馳還不敢反顧 **墮足** 唐書天授元年有進三足鳥者天后以為周室嘉瑞時中宗為王嗣言前三足為偽天后不悅須臾此鳥一足墮地 **白頭鳥** 侯景篡位令歸朱雀門其日白頭鳥萬計集于門樓 **五色卵** 北夢瑣言崔希喬以仁孝稱其在并州廳前最葦上有白鳥如鷓鴣來巢孕卵五色如鷄子雛生月餘大如鷓鴣剛擾間暇頃之飛翔時歸舊所號兵巢鳥 **王** 支道林入東見王子猷兄弟人入問見諸王何如荅曰見一羣白頸鳥但聞啞啞聲 **掌中鳥** 後山談叢何敬洙微時為鄴帥李簡家僮碎所愛硯李極怒命擒何至李之夫人匿何後堂浹旬之間李怒未解一日李獨坐小廳有

一鳥向李而噪多方驅逐略無去意李恚怒愈甚顧左右曰何
敬米善彈亟召來能覺此畜當釋其罪何注九扶彈應弦覺之
李佳賞至無懼為小技以軍功累建旋錢建隆初鎮鄂渚小亭
中復見一鳥何曰昔日全吾之命得非爾乎乃取食置諸掌鳥
翻然而下食何掌中其後何位至中書令守太師致仕世修
巴陵鴉不畏人除夕婦女各取一隻以米果食之明旦各以五
色縷繫于鴉頸放之視其方向卜一歲吉凶鴉子東興女紅鴉
子西喜事臨鴉子南利業蚤鴉子北織作息甚驗又元旦梳頭
先以櫛理其羽毛祝曰願我婦女黥髮影影惟百斯年似其羽
毛故楚人謂女髻為鴉髻

鵲

鵲一名飛駁一名神女一名芻尼 月令季冬之月鵲

始巢 說文鵲知太歲之所在 淮南子鵲巢知風之

所起 博物志鵲巢開口背大歲此非才智任自然也 新語

乾鵲噪而行人至 益鐵論崑山之下以玉抵鵲 天寶遺事

聞鵲聲皆為吉兆曰靈鵲報喜 荀子古之王者其政好生惡

殺烏鵲之巢可俯而窺 莊子鵲上高城危而巢于高枝之巔

城壞巢折凌風而起故君子之居世也得時則蟻行失時則鵲

起 周易統卦曰鵲者陽鳥先物而動先事而應見於未風之

象 淮南子鵲識歲之多風也去喬木而巢扶枝大人過之則

探其殼嬰兒過之則挑其卵知備遠難而忘近患 乾鵲知來

而不知往來歲多風則巢于下枝而不知童子探其卵此脩短之分也 埤雅鵲巢居而知風蟻穴居而知雨鵲歲多風則去喬木巢旁枝故能高而不危也 鵲能制蝟鵲在木上則蝟伏不能行必反腹而受啄 埤雅鵲知人喜作巢取木杪枝不取墮地者皆傳技受卵故曰乾鵲而莊子云烏鵲孺魚傳沫鵲以傳技少欲故曰孺 古之人居欲如燕行不欲如鵲相法有之鵲行踉蹌性行不良 淮南子烏之啞啞鵲之啞啞豈為寒暑燥濕變其聲哉 史疾謂楚王曰張官置吏必曰廉潔勝任盜賊公行弗能禁止可謂為不為烏鵲不為鵲者也 淮南子赤肉懸則為鵲集鷹隼至則眾鳥散物之聚散如此 埤雅鵲

強而不淫所以成德故有行知風之自而作其巢知歲之所在而開其戶所以趨時故有功

巢鵲上梁

鵲巢中必有梁見鵲上梁者必貴蓋二鵲共啣一

木置巢中謂之上梁襟姐崔圓相公妻在家時與姊妹戲于後

園見一鵲營巢共安一梁如筆管長尺餘術置巢中衆皆不見

兩梁補隙

唐書大曆八年乾陵山僧觀天尊殿有雙鵲啣柴

及泥補葺隙壤凡一十五處宰相上表賀 **占鵲言** 魏志管輅

至安德令劉長仁許有鳴鵲飛來閣上其聲甚急輅曰鵲言東

北一婦昨殺其夫牽引西家候不過日在虞淵之際有人來告

到時果有東北河伍民來告隣婦手殺其夫詐言西家人與夫

有嫌殺我婿也又吐齊書吳永洛與河內人張子信對坐有鵲
正鳴于庭樹間聞而墮焉子信曰鵲言不善今夜有人與公必
不可往子信去後琅琊王使召永洛且云勅喚永洛欲赴其妻
苦留詐稱墮馬腰折遂免于難 晉王澄為荊州將之
鎮送者傾朝澄見樹上鵲巢便脫衣上樹探鷲而弄之神氣肅
然旁若無人 鵲化金印 張顥為梁相有山鵲飛翔化圓石顥
推破之得一金印文曰忠孝侯印 鵲巢傳教 正觀中黎景逸
居空青山飼一鵲甚馴熟後景逸被誣下獄月餘其鵲止于獄
樓向景逸歡喜其日停有赦官司詰其由云路逢玄衣素衿人
所說三日而赦至景逸還山乃知玄衣素衿者鵲之所傳 金載

鵲巢祝楮

孫和為南陽王之長沙行過蕪湖有鵲巢於祝楮

官僚皆憂慘以為楮木傾危之象既而和果敗焉 吳志 **鵲巢石**

車 唐高祖圍堯君素於蒲州糧盡人相食焉有鵲巢其礮石

車之上人心遂離為李林容斬首傳之京師 白鵲 **貞觀**

中有白鵲營巢于寢殿前槐樹上合歡如腰鼓左右拜舞稱賀

上曰我常笑隋場帝好祥瑞在得賢此何足賀乃命毀巢縱鵲

于野 實中 **實中** 宰相參之族子參特愛中每議除授多

請於中或泄之以招權受賂每所至人謂之喜鵲參敗中擬配

流德宗曰吾聞申至人家謂之喜鵲遂賜死 金載 **靈鵲** **學士**

院有雙鵲棲于海棠枝上每學上會食必徘徊翔集于玉堂之

上略無驚畏或鳴噪必有大詔令或宣召之事因謂之靈鵲

遺道有成 七月七日鵲無故皆髡相傳以為是日河鼓與

織女會於漢東後鵲為梁以渡故毛皆脫去

鵲枕 番禺人端

午日探鵲巢中獲兩小石號鵲枕此日得之者佳婦人遇之有

抽金簪解耳璫而償其直者蓋取以為媚男藥也

鵲三 鵲啄

槐實結玉于腦謂之鵲玉

柯侯 熙寧中柯侯仲常通守漳

州以救饑得民心有二鵲棲其廳事及侯去鵲亦送之漳人異

焉東坡為詩曰柯侯古循吏相逼真無筆臨漳所全活數等江

干沙仁心格異族兩雀巢其衙君看彼酷吏所至如鬼車

天寶十三載葉縣有鵲巢于車轍中不巢木而巢地失其所矣

鵲 鵲亦鳩類有二十餘種銀合海監倒插點子毛脚鳳

八日而化 卑雅鵲喜合凡鳥皆雄乘雌此鳥雌乘雄

書 後魏崔光為司徒晝坐讀經鵲飛集膝前遂入於

懷綠臂上肩久之乃去

不鵲羽 北齊李繪字敬文河間太守

崔謫持其弟暹勢從繪乞麋角鵲羽繪答書云鵲有六翮飛則

冲天麋有四足走便入海下官膚體疏懶手足遲鈍不能近追

飛走遠事佞人

平安信 波斯舶上多養鵲鵲能飛行數

千里輒放一隻至家以為平安信

飛 張九齡少年時家養

群鵲每與親知書信往來只以書繫鵲足上依所教之處飛往

投之九齡目之為飛奴時人無不愛訝開元陳誨嘗
鵠馴養千餘隻誨自南劍牧拜建州觀察使去郡前一月郡鵠
先之富少舊所無子遺矣又嘗早衙有一鵠投誨懷袖中為鷹
所擊故也誨感之不復食鵠宮中養鵠高宗紹興間宮中
養鵠每日群飛于外太學士人作詩以諷云萬鵠飛翔繞帝都
朝昏收放費工夫何如養取雲邊鴈沙漠能傳二聖書其詩流
于大內自是不復畜鵠張浚嘗按視曲端軍執過
以軍禮見間無一人公異之謂欲點視端以所部五軍籍進公
命點其一部於廷間開籠縱一鵠以往而所點之軍隨至張為
愕然既而欲盡觀於是悉縱五鵠則五軍頃刻而集兵甲煥燦

旗精明魏公雖獎而心實忌之齊東野語**翎間得書**曲阜人顏

清甫顏子四十八代孫嘗卧病其幼子偶彈一鵠歸以供膳於
哨翎間得書一緘題云家書付男郭禹禹乃曲阜縣尹郭仲賢
也其父自真定寄至者時仲賢改授遠平縣尹去鵠未及知盤
桓尋覓以被彈也清甫見之責其子更取木匣函死鵠候病以
愈直低仲賢官所獻書與鵠且語其故仲賢感然曰畜此鵠已
十七年矣凡有家書雖隔數千里亦能傳致真異禽也命左右
瘞之以清甫長厚君子留之累日鳴于梁上隋高祖可汗

使者有鵠鳴于梁上帝命崔彭武射之中上大悅由是彭武善
射聞虜庭金籠放鵠王丞相生日鞏大卿籠雀鵠放之每

一放祝曰願相公有二十歲**聖畫七鴿** 雲光寺有七聖畫初

有少年兄弟七人至寺閉室畫之曰七日慎勿啓門至六日發

其封有七鴿飛去西北隅未畢畫二見之曰神筆也宣宗二記**懸哨**

家鴿 慶曆中元昊寇渭川環慶副都管任福循好水川西行

出六盤山下與夏軍遇勢不可留遂前格戰都監素懌道傍

得數銀泥合中有動躍聲不敢發福至發之乃懸哨家鴿餘

自中起盤旋軍上于是夏兵四合福遂敗死

鳩

方言鳩自關而東鄭之郊韓魏之都謂之郎畢其大者

謂之鳩鳩或謂之佳鳩 月令仲春之月鷹化為鳩周

禮羅氏仲春羅鳥獻鳩以養老 俗諺天欲雨鳩逐婦 爾雅

翼鳩物之拙者不能為巢纒架數枝往往破卵無巢不能居天

將雨則逐其雌霽則呼而反之今人辨其聲以為無屋住 禽

經拙者莫如鳩巧者莫如鷓 鳩食菜根則醉踏食薄荷則醉

虎食狗則醉 鳩鳩之養其子朝從上下莫從下上平均如一

廣志楚鳩一鳴嚶吡

感鳩作歌

舜耕於歷山思慕父母見鳩與母俱飛鳴相哺食

益以感恩乃作歌

白鴿

瑞應圖白鴿成湯時來王者壽考老

尊道德不以新失舊則至一本曰成王時來 吳錄赤鳥中白
 鳩見章安平帝時濟南鳩生白子 會稽典錄皮迺字叔然
 山陰人養母至孝居喪有白鳩巢廬側遂以終喪 鄭弘遷臨
 淮太守郡人徐憲在喪致哀白鳩巢戶側弘舉為孝廉朝廷稱
 為白鳩郎 頓琦蒼梧人居喪踰制白鳩棲廬側見人輒去
 見琦而留 **旦獻鳩** 邯鄲人正旦獻鳩於趙簡子簡子厚賞
 之客問其故曰元旦放生示有忌也客曰人知公放必競捕獻
 之捕益多不如勿賞 **白家鳩** 滎陽有厄井漢王避項羽於
 中雙鳩飛集井上羽以為無人故沛公得免因以為名故漢世
 正旦放鳩為此也 **鳩放** 漢禮儀志仲秋之月縣道皆禁戶

氏年始七十者授之以玉杖舖之糜粥八十九十禮有加賜玉
 杖長九尺端以鳩為飾鳩者不噎之鳥也欲老人不噎所以愛
 民也 **鳩化金鈎** 京兆長安有張氏獨處一室有鳩自外入止
 于床張氏患之披懷祝曰鳩來為我禍也飛上承塵為我福耶
 來入我懷鳩飛入懷以手探之則不知鳩之所在而得一金帶
 鈎是後子孫昌盛有為必偶貨財萬倍蜀客賈至長安中聞之
 乃厚賂婢竊鈎以與蜀客張氏既失鈎漸漸衰耗而蜀客亦
 數罹窮厄不為己利或謂曰天命也不可以力求於是賈鈎以
 反張氏張氏復昌故開西稱張氏傳鈎云 **辨冠** 晉永康元年
 正月大會有鳩入御坐武帳中拂司空張華之冠 **鸛及鳩果丹**

庾子與父域為巴守卒於郡子與奉喪還鄉初發蜀有雙鳩巢舟中及至又栖廬側每聞哭泣之聲必飛翔簷宇悲鳴激切鳩

集鳳池

唐王及善才行庸猥風神鈍濁為內史時人謗為鳩

集鳳池

金載鳩鳩和尚

鄧州有老僧日食二鳩鳩僧俗共非

之老僧終無所避當饑之際有士求食分其二足而食食訖老僧盥漱雙鳩從口而出一則能行一則匍匐在地貧士驚駭亦吐其飯二脚亦生其僧後乃不食此味衆皆敬異謗曰南陽鳩鳩和尚

鶯

說文黃鸝倉庚也鳴則蚕生 詩疏黃鳥鸝也或謂黃栗幽州謂之黃鶯或謂之黃鳥一名倉庚一名商庚

一名鶯黃一名楚雀齊人謂之搏黍閩西謂之黃鳥常格熟時來在桑樹間皆應節起時之鳥或謂之黃袍 詩曰春日載陽有鳴倉庚倉庚于飛熠燿其羽黃鳥于飛集于灌木緜蠻黃鳥止于丘阿 晁黃鳥載好其音交交黃鳥止于棘

金衣公子

明皇於禁苑中見黃鶯呼為金衣公子

往聽黃鶯

戴顓春日携雙柑斗酒人問何之曰往聽黃鸝聲此俗耳針砭詩腸鼓吹 鶯 有人取得黃鶯雛養於竹籠中其雌雄接翼曉夜哀鳴於籠外絕不飲啄乃置雛於籠外則更來哺之或在前路無所畏忽一日不放出籠其雌雄繞飛鳴無從而入一投水中一觸籠而死剖腹視之其腸寸斷

荊州每至

冬月於田畝中得土堅圓如卵者輒取以貫破之則鷺在其中
無復毛羽蓋以土自埋伏而土堅勁俟春始生羽破土而出稱
翼止如 梁武平齊獲侍兒十餘輩頗娛於目為却后所隔拘
憤恚將成疹左右進言曰臣嘗讀山海經云以鷓鴣為膳可以
止妬梁武從之却茹之後妬殆減半左右復言曰願陛下廣為
羞偏賜羣臣使不才者無妬於才挾私者不妬其奉公獨者不
妬其清貪者不忌其廉亦助化之一端也帝然其言將廣捕之
會崇佛戒殺遂止

鴛鴦

鴛鴦水鳥雌雄未嘗相離人得其一則一者相思死
故謂之匹鳥古今

化鴛鴦

宋大夫韓朋一作憑其妻美好康王奪之朋怨王曰

之朋遂自殺妻乃陰腐其衣王與之登臺自投臺下左右捉衣
衣不勝手遺書于帶下曰願以屍還韓氏而合葬王怒令埋之
兩塚相望宿忽見有梓木生二塚之上根交于下枝連其上
又有鳥如鴛鴦常棲其樹朝暮悲鳴南人謂此禽即韓朋夫婦
之精魂搜神記 魏文帝問周宣曰吾夢殿屋兩瓦墜
地化為鴛鴦何也宣對曰便官當有暴死者帝曰吾詎卿耳宣
曰夫夢者意耳苟以形言後占吉凶言未卒黃門令奏宮人相
殺明 漢時鄆縣南門兩扇忽一聲稱鴛鴦一聲稱鴛晨
夕聞之聲聞京師漢帝惡之令毀其門兩扇化為鴛鴦相隨飛

去後改鄆為晏城縣金載宋時潮州有富人江行

見二子義貌曰一兄一妹雙生也早失怙恃養於舅氏舅母不

容丐以度日年十三矣日携以歸兄能捕魚風雪不倦得魚獻

主之外分為二生咬馬妹專繡刺鴛鴦毫毛俱備極其工巧居

三年女長富人欲犯之輒辭年幼不可強題詩其襦間云覓得

如花女朝朝依繡床百花渾不愛只是繡鴛鴦懶把娥眉掃且

歸水雲鄉百年可偕老化雙鴛鴦飛去江湖記開

秦吉了

林邑國有結遼鳥謂之吉了鳥能人語以熟鷄子和飯飼之或云容州有純赤純白色者舊唐樂志嶺

南有鳥似鸚鵡而稍大乍視之不相分辨籠養久則能言無不

通南人謂之吉了亦云料開元初廣州獻之言音雄重如丈夫

委曲識人情惠于鸚鵡遠矣

曠雌

天后時左衛兵曹劉景陽使嶺南得秦吉了二隻能解

人語至都進之留其雌者雄煩怨不食則天問曰何乃無聊也

鳥曰其配為使者所得煩思之乃呼景陽曰卿何故歲一鳥不

進景陽叩頭謝罪乃進之則天不罪也金載情急了昔有文

夫與女子相愛自季夏二十六日以書札相通來年是日篋中

殆滿皆憑一鳥往來此鳥殊解人意至是日忽對女子喚曰情

急了女子因書繫其足曰秋期若再不果有如白日惟其所為

因名此鳥為情急了不煩入夷瀘南有畜秦吉了者夷酋欲

以錢五十萬買之其人告以貧將賣爾秦言曰我漢禽不願入夷中遂不食而死

布穀

一名買鏡聞其聲則思買鏡鐘以布穀也又布穀聲曰家家撒穀或以為家家脫袴或以為家家斷磨

皆因其聲之相似也 爾雅鳩鳩即今之布穀也 蘇東

坡詩南山昨夜雨西溪不可渡渡邊布穀啼勸我脫布袴不辭

脫袴溪水寒水中照見作租癩

諸禽

軟金鳥

雜俎軟金鳥出昆明國形如雀色黃常翔翔

于海上魏明帝時其國來獻此鳥飼以真珠及龜腦常

吐金屑如粟宮人爭以鳥所吐金為釵珥謂之辟寒金以鳥性

畏寒也宮人相朝曰不服辟寒金那得帝王心不服辟寒鈿那

得帝王憐鸕鷀 埤雅鸕鷀似鸚而黑深沒于深水取魚而食

魚入喉則爛其熱如湯其骨可治鯁及噎吐而生子生多者生

七八小者五六相連而出若絲緒焉水鳥而巢于高木之上峽

中人謂之烏鬼皆養此鳥繩繫其頸使之捕魚又隋書倭國以

小環挂鸕鷀項令入水捕魚以充食寒號蟲 輟耕錄五臺

山有鳥名寒號虫四足有肉翅不能飛其糞即五靈脂也當盛

暑時文彩絢爛乃自鳴曰鳳皇不如我至冬寒毛羽盡脫落乃
自鳴曰得過且過竹鷄格物論竹鷄比鷓鴣差小毛羽褐色
多斑赤文自呼泥滑滑文與可詩春日正清明滿園花盛發勸
爾下鷄莫啼泥滑滑鷓鴣生于象山似雀而大嘴如黃鸝
色故名吳人養此鳥能歌舞必按音節鷓鴣吳望山有鳥如
鳥三首六尾自為牝牡善笑名曰鷓鴣佩之可以禦兵鷓鴣
章帝永寧元年條支國來貢異瑞有鳥名鷓鴣形高七尺解人
語其國太平則鷓鴣群翔昔漢武帝時四夷賓服有獻馴鷓若
有喜樂事則鼓翼翔鳴按莊司云雕陵之鷓蓋其類也金吾
鳥名也主辟不祥漢武更中尉名為執金吾天子出行職之

道以備非常故執此鳥之象因以名官 應劭曰執金華以禦
非常吾指禦也歸飛林邑城外香桂成林氣清澄烟時禽異
羽翔集間兼比翼鳥不比不飛鳥鳴歸飛鳴聲自呼瑞鳥
煬帝征遼回次柳城有大鳥二素羽丹嘴狀同鶴鷺高一丈四
五尺長八九尺出自霄漢翔舞御營勅著作郎虞綽製瑞鳥銘
以進鑄於其所仍勅圖寫其狀秘書郎虞世南上瑞鳥頌勅令
寫於圖首鳥王交州有鳥王如鵲頭上有毛冠尾長一尺五
寸純黑色若欲取諸鳥先選高技斫除枝柯惟留二兩枝以膠
挿着取鳥王置其下鳥王嗚呼衆鳥聞聲皆爭集其處或銜
果實或送虫蟻皆送鳥王諸鳥着膠獠子之徒下收之也待樂

鳥 雜俎玄宗時有五色鸚鵡能言上令左右試牽帝衣鳥輒
瞑目叱咤張說稱為時樂鳥表賀云臣按南方異物志有時樂
鳥鳴云天下有道則見今此鳥本南海貢來與鸚鵡狀同而毛
身全異其心聰性辯護主報主尤非凡鳥也 **浴鳥** 博物志越地
深山中有鳥大如鳩青色名曰浴鳥穿大樹作巢如五六升器
伐木者見此樹即避之去或夜暝人不見鳥鳥亦知人不見已
也時日咄咄上去明日便宜急上樹去曰咄咄下去明日便宜
急下樹去若不使去但言笑而已者可止伐也若有穢惡及犯
其所止者則虎通夕來守即害人此鳥白日見其形鳥也夜聽
其鳴亦鳥也時觀樂便作人悲喜形長三尺入澗中取石蟹就

人火間炙之不可犯也越人謂此鳥為越祝之祖 **木容** 異物
志木容鳥大如雀數千百頭為群飛集有度不與衆鳥相厠俗
云木容化為此鳥也凡飛不過百餘步 **鸚鳥** 南康記歸遠
山有石室色如黃金號為金室有鸚鳥形色鮮潔自愛羽毛其
隻者或鑑水向影悲鳴自絕 **共命** 雪山有鳥名為共命一身
兩頭識神各異 **駝鳥** 和帝時安息國獻條支大爵時謂之
安公雀廣志云大雀頸及膺身蹄都似索駝色蒼舉頭高八九
尺張翮文餘食大麥其卵如甕即今之駝鳥也 波斯有大鳥
形如索駝有兩翼飛而不能高食草與肉亦能噉火馳走甚疾
一日能七百里 **魏書** 伏盧尼在波斯西北有大河南流中出水

便死北史高宗永徽中吐火羅國獻大鳥其色玄足如馳有翅而能飛自行三百里能取銅鐵呼為駝鳥上獻於昭陵乃刻像於陵之內唐書大食國有駝鳥高四尺以上脚似駝蹄頭頸勝得心行五六里其卵大如三升器浪鳥真騰國有葛浪山高萬丈半腹有洞先有浪鳥狀似老鷓大如駱駝人過即攖而食之騰空而去百姓苦之真騰王取六牛肉中安小劍子兩頭尖利令人載行鳥攖而吞之乃死無復種矣骨托河州有禽名骨托狀類鷓高三尺許常以名自呼能食鐵石郡中出而示客或疑之乃以絲係白石擲其前即啄吞之良久牽出視石已軟爛如泥矣墨客**火鷄**三佛齊國出火鷄大如鶴頭

中有二紅軟冠狀如紅福輝之毛如羊毛稀長青色脚長黑其爪甚利或爪破人腹腸出即死好食麩炭因名火鷄用杖搗碎不能死越王越王鳥狀似鸚口勾末可受二升許南人以為酒器珍於螺又不踐地不飲江湖不啜百草不下餌蟲魚惟取木葉糞似薰陸香南人遇之既以為香又治雜瘡一名鵲鷓鴣鷓鴣鳴聲哀俗云雌母欲嫁因粟使人守之毋遂不遂兒因呼母言鷓鴣也百舌仲夏之月反舌無聲反舌有聲倭人在側謂江充之害甚萌反舌鳥入殿二百舌春轉夏止惟食血刺正月後凍開蛭出來十月後蛭藏而往蓋物之相感也畫眉畫眉鳥似鶯而小黃黑色其眉如畫乃于作聲

如百舌黃鵠黃鵠形似百舌灰黑色雀行性躁好鳴叢林間
人名淑獺鳥天將雨則鳴或云此鳥下枝傳上而鳴則晴上枝
傳下而鳴則雨風伯雜俎崑崙鳥出河西赤鳩鎮狀如鳥而
大翮翔于陣上多主不利風伯風禽禽類越人謂之風伯飛
翔則天有大風青明越嵩有青明鳥形如鶴止不向明巢必
對地其聲百變報春顧渚山中有鳥每正月二月鳴云春起
也三月四月鳴云春去也採茶者呼為報春鳥鴉舅此鳥似
鴉而小黑色能逐鴉鴉見避之故名鴉舅一名鴉兢一種似鴉
而小蒼色能逐鷹亦名鷹舅蚊母爾雅鴉蚊女似鳥鷄而大
黃白雜文今江東呼為蚊母此鳥常吐蚊又有蚊母草蚊母大

信 泰山上每興工役有鳥似烏味趾皆赤役夫稍息即飛
鳴作聲人目為催工鳥傳信孔帖隋處士元歲機有二鳥大
類黃鸝每翔翥空中戲機呼之即至或令銜珠或令授人語皆
能如意因名傳信鳥守函雜俎齊郡函山有鳥足青嘴赤黃
素翼名王母使者漢武帝登此山得王函長五寸帝下山王函
忽化為白鳥飛去世傳山上有王母藥函常令鳥守之倒掛
倒掛子毛綠色常倒掛于木上宣化縣寺處出趙王倫趙王倫
篡位時有異鳥人莫識有一小兒見之乃言曰服留鳥忽小兒
并鳥俱不見蓋謂倫留將服其罪也提壺以其聲呼提壺故
名生山林間大如雀身黃綠色鷓鴣格物論洵河即鷓鴣一

夏... 三十三

名鵠澤大如蒼鵠喙長尺餘額下有肉兩塊大如數斗囊若小
水有魚能抑水滿其額水竭盡魚在地乃共食之故曰淘河莊
子曰魚不畏網而畏鵠鵠言鵠鵠能以智力取魚故不畏網而
畏之也**沸河** 埤雅大鵬翱翔水上扇魚令出沸波攫而食之
一名沸河淮南子所謂鳥有沸波者即此**鈞鵠** 本草鈞鵠入
城城空入宅宅空怪鳥也若聞其聲如笑者宜速去之鳥似鵠
有角夜飛晝伏**老鵠** 雜俎秦中山谷間有鳥如集色青黃肉
翅如火烟見人即驚落隱草穴中常露身其聲如嬰兒啼者曰
老鵠**駝鶴** 大食弼琶羅國出駝鶴長六七尺能飛不甚
尚食雜物并火或燒赤熱銅食之生卵如椰子**鵠** 埤雅鵠鳥

迷似燕紺色知天將雨之鳥也又義訓鵠紺燕知風則啼然則
鵠鳥不獨知雨又知風也所謂鵠蚌相持者即此**鵠** 埤雅鵠
好宿鸞惡露此鳥飛則隕霜其羽可為裘以辟寒雜俎鵠狀
以燕而稍大足短趾似鼠未嘗見其下地常止林中偶失勢控
地不能自振及舉則上凌青霄此鳥出涼州**飛燕** 龍雀也
鳥身鹿頭風俗通飛燕神雀能致風雨**鵠雞** 金頂紅嘴其形
類鵠其色類鴉來以三月三日前去以九月九日前此鳥來則
其年飛其聲如雷去則不食諸物但淘沙食之欲其體輕可高舉
以避**鵠** 繳也**木兔** 爾雅雀老鷓木兔也似鷓鴣而小兔頭有
角毛擗夜飛好食**雞****花雞** 小鳥也八九月間來自海外投入

樹林驟如風雨聲毛羽青黃色腹下淺白色土人謂之花雞思

婦鳥名昔人有思婦登北山絕望愁忿而死故名桐花鳳

成都有小鳥紅翠碧色相間生于桐花中朝夕惟飲其汁不食

他如花落遂死名桐花鳳肥遺博物志華山有鳥名肥遺見

則大旱吉祥五臺山有吉祥鳥形翅甚大其飛也有四黃鳥

導之四鵲從之江貓紅鴉鳥曲嘴高脚丹頂如鶴毛白赤色

頭上有披帶食于水而宿于木聲如貓故又名江貓水狗爾

雅鴉天狗注小鳥也青似翠食魚江東呼為水狗潮雞潮雞

出嶺南似雞而小潮至則鳴唐李德裕詩三更津吏候潮雞獨

狗郭璞曰鴉似雁無後指毛有豹文一名獨豹遇鷲鳥必放

黃禦之着其毛則盡脫陸佃曰鴉性淫而無定匹故今指老奴

曰老鴉信天翁滇中有鳥名信天翁其鳥食魚而不能捕候

魚鷹所得偶墜者拾食之因名橐蜚山海經踰次之山有鳥

鳥其狀如集人面一足曰橐蜚冬見夏蟄服之不畏雷

山海經北囂之山有鳥焉其狀如鳥人面名曰鷺鷥宵飛晝伏

食之已弱

山海經硯山有鳥狀如鳧而鼠尾善登木

其之曰繫鉤見則大疫

山海經鹿臺之山有鳥如雞人

面名曰鳧僕其鳴自呼見則有兵

姑惡故其聲云漢禽聞見錄宋瀘南人有畜蔡吉了者夷

昔欲以十萬錢買之其主人告吉了云我以貧甚賣汝以濟困

吉了云我漢禽也不願入蠻夷山因不食而死吉了似鷓鴣紺

黑色口嘴黃距頂毛有縫如人分髮蠻蠻山海經崇吾之

山有鳥狀如鳧而一翼一目相得乃飛名曰蠻蠻注云比翼為

也心青赤不比不能飛爾雅作鷓鴣微微山海經姑逢之

山有鳥名徽徽見則大旱周周有鳥名周周垂頭屈尾飲

于河則顛必以其頭附他鳥然後得飲濯濯青立之山有

鳥名濯濯佩之使人不惑羅羅萊山有鳥名羅羅能食人

而大一名沙裏白生代北沙漠鴈門馬邑有名代都赤者紫背

黑者白曰毛且便捉兔生代州有名漠北白者身長且大田

斑短脰一名西道白生沙漠之北有名房山白者皆有細斑生代

東有名漁陽白者腹背俱白有名東道白者亦腹背俱白生盧

龍以北墮爾雅鸛鷓鴣如鵲短尾人射之反銜矢射人

一名墮墮新州鬼宋王元之自黃移新州聞啼鳥問其名

對曰新州鬼王大惡之果卒于新州帝天山有鳥如丹

識歌舞而妙靡名曰帝帝善高飛似鷹目相擊而孕

山而生子博物志鷓亦雄鳴上風雌鳴下風而孕

類苑叢寶卷之四十二



